

學而
為政

論語
一



論語集註序說

史記世家曰

斷安陳氏曰司馬遷史記有孔子

名丘字仲尼

新安陳氏曰孔子故以為名丘字仲尼

其先宋人

孔子六世祖孔父嘉為父叔梁紇

下倭毋顏氏

在名樣以魯襄公二十二年庚戌

之歲十一月庚子生孔子於魯昌平鄉鄆邑

聊側鵠反○新安倪氏曰孔子之生左氏春秋不書但於襄公二十六年夏四月巳丑書孔

丘卒杜預註魯襄公二十二年生至今七十三年

也公羊杜預傳皆於襄公二十一年書孔子

生乃已再歲也與為兒嬉戲常陳俎豆設禮

史記杜預皆不合容及長上為委吏料量平委吏本作季

論語集註序說

史記世家曰

新安陳氏曰司馬遷史記有孔子

名丘字仲尼

新安陳氏曰孔子故以為名若字丘

其先宋人

孔子六世祖孔父嘉為父叔梁紇

下後

毋顏氏

名徵以魯襄公二十二年庚戌

之歲十一月庚子生孔子於魯昌平鄉鄆邑

鄆側鳩反○新安倪氏曰孔子之生左氏春秋不書但於哀公十六年夏四月巳丑書孔

丘卒杜預註魯襄二十二年生至今七十三

也公羊穀梁傳皆於襄公二十一年書孔子

生乃巳酉歲也與為兒嬉戲常陳俎豆設禮

史記杜註皆不合容及長上為委吏料量平委吏本作季

氏史索隱云一本作委吏與孟子合今從之

史記索隱為司職吏畜許又**蕃**音息職見

周禮牛人讀為音特又餘式義與音杙音

反蓋繫養犧牲之所此官即孟子所謂乘去

田雲峯胡氏曰此以後多用論語證之孟子亦

以經證史也○周禮地官司司徒上牛人掌養

國之公牛以待國之政令凡祭祀共其享牛

求牛以授職人而翦之註享牛前祭一日之

牛也求牛禱於鬼神祈求福之牛也職讀為

與機謂之杙可以繫牛機人者謂牧人充人

適周問禮於老子子問何以問禮於老子朱

故知禮節文所以孔子問之冊雖知禮然其

意以為不必盡行行之反以多事故欲絕滅

之既及而弟子益進昭公二十五年甲申孔

子年三十五而昭公奔齊魯亂於是適齊為

高昭子齊大夫家臣以通乎景公有聞韶問政

二事公欲封以尼谿之田晏嬰不可公惑之

有季孟吾老之語問齊景公欲封孔子田楚昭王欲封孔子地晏嬰子

西不可使無晏嬰子西則夫子還受之否也孔

子遂行及乎魯定公元年壬辰孔子年四十

三而季氏疆僭其臣陽虎作亂專政故孔子

不仕而退修詩書禮樂弟子彌衆九年庚子

孔子年五十一公山不狃以費畔季氏召孔

子欲往而卒不行有答子路東周語朱子曰

往是當他召聖人之時有這些好意思來接

聖人聖人當時亦接他好意思所以欲往然

他這箇人終是不好底人所以終不可去如

陰兩蔽翳重結不解忽然有一處略略開霽

雲收霧斂見得青天定公以孔子為中都宰

一年四方則之遂為司空又為大司寇十年

辛丑相去聲定公會齊侯于夾谷齊人歸魯

侵地鄆汶陽龜十二年癸卯使仲由為季氏

宰墮許規反毀三都收其甲兵孟氏不肯墮

成圍之不克問成既不墮夫子如何別無處

去魯矣若使聖人久為十四年乙巳孔子年

之亦須別有箇道理

五十六攝行相事誅少去聲正卯與音預聞國政

三月魯國大治去聲齊人歸女樂以沮在呂反

之季桓子受之郊又不致膳音煩祭也俎於

大夫孔子行魯世家自此以上皆為十二年

事問設若魯亦致膳於大夫則夫子果止乎

討一箇事故去○胡氏曰是時政在季氏夫

非為政也定公素不能立季孫既有所惑適

衛主於子路妻兄顔濁鄒家孟子作顔讎由

適陳過匡匡人以為陽虎而拘之有顔淵後

及文王既沒之語既解還衛主蘧伯玉家見

南子有矢子路及未見好德之語去適宋司

馬桓魋欲殺之有天生德語及微服過宋事

又去適陳主司城貞子家居三歲而反于衛

靈公不能用有三年有成之語晉趙氏家臣

佛肸以中牟畔召孔子孔子欲往亦不果有

答子路堅白語及荷蕢過門事

朱子曰夫子於公山氏之

召却真箇要去做於佛肸之

召但謂其不能挽我而已將西見趙簡子

至河而反又主蘧伯玉家靈公問陳不對而

行復

扶反又

如陳

據論語則絕糧當在此時季

桓子卒遺言謂康子必召孔子其臣止之康

子乃召冉求史記以論語歸與之數為在此

時又以孟子所記數詞為主司城貞子時語

疑不然蓋語孟所記本皆此一時語而所記

有異同耳孔子如蔡及葉

失涉

有葉公問答

子路不對沮溺耦耕荷篠丈人等事史記云

於是楚昭王使人聘孔子孔子將往拜禮而

陳蔡大夫幾徒圍之故孔子絕糧於陳蔡之

間有愠見及告子貢一貫之語按是時陳蔡

臣服於楚若楚王來聘孔子陳蔡大夫安敢

圍之且據論語絕糧當在去衛如陳之時楚

昭王將以書社地封孔子令尹子西不可乃

止史記云書社地七百里恐無此理時則有

接輿之歌

新安陳氏曰索隱云古者二十五

社之人名於籍蓋以七百里書社之人封孔

子也故冉求云雖累千社而夫子不利是也

饒氏云書社猶今人所謂書會也蓋卿大夫

所當得底地謂之采地如這箇却是君之所

特與故謂之書社地言以此養其徒也便如

齊王欲中國授孟子室養弟子以萬鍾相似

又反乎衛時靈公已卒衛君輒欲得孔子為

政有魯衛兄弟及答子貢夷齊子路正名之

語而冉求為季氏將

去聲

與齊戰有功康子乃

召孔子而孔子歸魯實哀公之十一年丁巳

而孔子年六十八矣有對哀公及康子語

雲

胡氏曰讀此者要看太史公書法又要看文公刪後書法如孔子在他國皆不書年若干惟他國反魯及在魯則歷歷書之豈以在他國則歲月無所考故不書邪然去魯適陳太史公書曰是歲魯哀公三年而孔子年六十矣又自楚反衛太史公書曰是歲也孔子年六十三而魯哀公六年也文公皆刪之至孔子晚年歸魯文公乃特書曰實哀公之十一年丁巳而孔子年六十八矣言然魯終不能外慨歎之意於書法可見也

用孔子孔子亦不求仕

問孔子當周衰時可

人無不可為之時也便若時節變聖人又自處之不同問孔子豈不知時君必不能用已曰聖人豈有逆料君能用我與否到得後來說不復夢見周公與吾已矣夫聖人自知其為不可乃敘書傳去禮記有杞宋損益從周等

語刪詩正樂有語太師及樂正之語序易彖
繫象說卦文言有假我數年之語弟子蓋三
千焉身通六藝者七十二人

弟子顏回最賢

蚤死後唯曾參得傳孔子之道十四年庚申

魯西狩獲麟有莫我知之歎孔子作春秋有

知我罪我等語論語請討陳恒事亦在是年

明年辛酉子路死於衛十六年壬戌四月己

丑孔子卒年七十三葬魯城北泗上弟子皆

服心喪三年而去惟子貢廬於冢上凡六年

孔子生鯉字伯魚先卒伯魚生伋音急字子思

作中庸子思學於曾子而孟子受業子思之

門人

何氏曰

何氏名晏字平叔魏南陽人

魯論語二十篇齊論語

別有問王知道凡二十二篇其二十篇中章

句頗多於魯論古論出孔氏壁中分堯曰下

章子張問以為一篇有兩子張凡二十一篇

篇次不與齊魯論同

或問今之論語其魯論與朱子曰以何晏所叙

篇數考之則信為魯論矣但據釋文則其文

字亦或有不問者如以必為瓜之類豈何氏

亦著鄭註就魯論篇章而又雜以齊古之文

與然唐藝文志已不載齊古篇目陸氏蓋於

諸家說中得之耳

程子曰論語之書成於有子曾子之門人故其

書獨二子以子稱程子曰論語為書傳道立

鄉黨形容聖人不知者豈能若是○問論語

以何為要曰要在知仁孔子說仁處最宜玩

味曰孔子說仁處甚多尤的當是何語曰皆

的當但其門人所至有不同故其答之亦異

○朱子曰程子之說蓋出於柳宗元其言曰

諸儒皆以論語孔子弟子所記不然也孔子

弟子曾參最少又老子乃死而是書記其將死

之言則其去弟子之時甚遠而當時弟子略

無存者矣吾意孔子弟子樂正子春記其言而卒

成其書者曾子弟子樂正子春記其言而卒

故是書之記諸弟子必有以字而曾子不蓋

其弟子踰之云爾而有子亦稱子者孔子之

歿諸弟子嘗以似夫子而師之稱後乃叱避而

退則固嘗有師之踰矣凡此柳氏之言其論

曾子者得之而有子叱避之說則史氏之鄙

陋無稽而柳氏惑焉以孟子攷之當時既以

曾子不可而寢其議有子曷嘗據孔子之位而有其歸哉故程子特因柳氏之言斷而裁之以為此說此所以不著柳說而獨以程子為據也楊氏又謂此書首記孔子之言而以二子之言次之蓋其尊之亞於夫子尤為明驗至於閔損冉求亦或稱子則因其門人所記而失之不革也與

程子曰讀論語有讀了全然無事者有讀了後

其中得一兩句喜者有讀了後知好聲之者

有讀了後直有不知手之舞之足之蹈之者

程子曰論語之書其辭近其指遠辭有盡指無窮有盡者可索之於訓詁無窮者要當會之以神譬諸觀人昔日識其面今日識其心在我則改容更貌矣人則猶故也坐是故難讀蓋不學操縵不能安禮惟近似者易入也彼詩不學雜服不能安禮惟近似者易入也彼



其道高深博厚不可涯涘也如此儻以童心
淺智窺之豈不大有逕庭乎方其脅肩諂笑
以言飴人者讀之謂巧言令色寧病仁未能
素貧賤而恥惡衣惡食者讀之豈知飯蔬飲
水曲肱而有顛冥之患者讀之孰知利末得已
不己而浮雲誨爾諄諄聽我藐藐者讀之孰
貴真不如情師書紳為至誠服膺過此而往益
知回深可勝數哉○朱子曰學者須著實循
高益深以論語為先一日只看一二段莫問
序讀書易但只從頭看將去讀而未曉則思
精粗難易則反覆玩味久之必自有得矣
思而未曉則反覆玩味久之必自有得矣
今學於論語二十篇中尚不耐煩看之
况所謂死而後已者又豈能辦得如此長遠
工夫耶○慶源輔氏曰嗜之而飽饜充是其
樂有不可形容者是見於手舞足蹈也○
雲峯胡氏曰讀論語者有此四等人初是全
無知者第二是略能知者第三是知而好之
者第四是樂之者

程子曰今人不會讀書如讀論語未讀時是此

等人讀了後又只是此等人便是不曾讀程子

曰讀論語須有疑然後能進今人讀書元不

知疑所以不及古人孔門弟子如子夏問巧

笑倩兮美目盼兮直推至於舉鼻陶伊尹而於禮後樊遲問仁

無疑今人多於言上認了又安能疑○問論

語如何讀者功効不可不急所謂不可慢者工夫

不可慢○慶源輔氏曰程子言雖近而意則

切使讀書者自知所以求益不至虛費工夫

也須是熟讀涵泳使之通貫浹洽然後有日

程子曰願自十七八讀論語當時已曉文義讀

之愈久但覺意味深長和靖尹氏曰論語之

善行苟能即其問答如已親炙于聖人之門
默識心受而躬行之則可謂善學矣。○人
李氏曰人之持身當以孔子所為法孔子相
千餘載既不可得而親之所謂見者獨論語
耳論語蓋當時人弟之推而行之孔子言行
每讀而味之不玩而繹之君子推而行之朱
堂入室亦不失為士君子也。○朱子曰所
深長意味也別無說只是涵泳久自見得。○
論語讀著越見意思無窮今日讀得些意思
明日讀又長得意思。○朱子曰論語中程
生及和靖說只於本文添見兩字甚平淡然
意味深長須當細看要見得他意味方好
已下論解語。○問謝氏說多多過不如楊氏
說最實曰尹氏語。○言最實亦多是處但看
十字亦有不可如此先懷權斷於一曾中如
處豈可有先立定說今且須虛心玩理。○
中解有兩說相似而少異者亦要相實。○
全別者是未定也。○論語集註如秤用上
無異不高些不低些自是學者不肯用工看

○問集註有兩存者何者為長曰使某見得
長底時豈復存其短底只為是二說皆通故
并存之然必有一說合得聖人之本意但不
可知爾又曰大率兩說前一說勝○某於論
孟逐字稱等不教偏些小學者將註屢宜子
細看○集註添一字不得減一字不得不多
一箇字不少一箇字○讀集註只是要看無
一字閑若意裏說做閑字那箇正是緊要字
○集註至于訓詁皆子細看蓋要人字字思
索到莫要只作等閑看便了○問註或用者
字或用謂字或用猶字或直言其輕重之意
如何曰者謂是恁地直言者直訓如此猶云
者猶是如此胡氏曰某某也正訓也某猶某
也無正訓借此胡氏曰某某也某某之為言某也前
無訓釋持義此以明其義也為言謂其說如
此也引經傳文以證者此字義不可以常訓
通也○集註於正文之下正解說字訓文義
與聖經正意如諸家之說有切當明白者即
引用而不沒其姓名如學而首章先尹氏而
後程子亦只是順正文解下來非有高下去

取也章末用圈而列諸家之說者或文外之意而於正文有所發明不容略去或通論一章之意反覆其說切要而不可不知也○集註內載前輩之說於下句者是解此句文義載前輩之說於章後者是說一章之大旨及反覆此章之餘意胡氏曰字義難明者各有訓釋一章意義可以分斷者逐節註之一章之後又合諸節而通言之欲學者先明逐字文義然後明逐節旨意然後通一章之旨意也每章只發本章之旨者附註後或因發聖人言外之意者別為一段以附其後亦欲學者先明本旨而後及之也

論語集註序說

論語集註大全卷之一

學而第一

此為書之首篇故所記多務本之意

曰此一篇都是先說一箇根本○胡氏曰此篇首取其切於學者記之故以為多務本之意○新安陳氏曰揭君子務本一句以為首篇之要領此說本於游氏朱子已采入賢賢易色章下次章以孝首標之如首章以時習為本此章以孝弟為仁之本三章以忠信為傳習之本道千乘章以五者為治國之本皆是餘可以乃入道之門積德之基學者之類推

先務也凡十六章

慶源輔氏曰道者人入德雖在我之所自得必積而後成凡此篇所論務本之事乃道所從入之門

而德所積累之基學者必先務此然後
道可入而德可積矣○朱子曰學而篇
名也取篇首兩字為別初無意義但學
之為義則讀此書者不可以不先講也
夫學也者以字義言之則已之未知未
能而效夫知之能之之謂也以事理言
之則凡未至而求至者皆謂之學雖稼
圃射御之微亦曰學配其事而名之也
而此獨專之則所謂學者果何學也蓋
始乎為士者所以謂學而至乎聖人之
事伊川先生所謂儒者之學是三詞章
先生之意曰今之學者有三詞章之學
也訓詁之學也儒者之學也欲通道則
舍儒者之學不可尹侍講所謂學者所
以學為人也學而至於聖人亦不過盡
為人之道而已此皆切要之言也夫子
之所志顏子之所學子思孟子之所傳
盡在此書而此篇所明又學之本故學
者不可以不盡心焉○今讀論語且熟
讀學而一篇若明得一篇其餘自然易

曉○學而篇皆是先言自脩而後親師友有朋自遠方來在時習之後而親仁在入孝出弟之後就有道而正焉在食無求飽居無求安之後毋友不如己者在是不重則不威之後今人都不去自脩只是專靠師友說話○覺軒蔡氏曰學而名篇專以學言而所謂學者果何所學耶朱子首發明學之本惟在全其本性之善而已

子曰學而時習之不亦說乎

說悅同

學之為言效也人性皆善而覺有先後後覺者必效先覺之所為乃可以明善而復其初

也

朱子曰學之一字實無致知力行而言問學之為言效也效字所包甚廣曰正是如

此博學審問慎思明辨篤行皆學之事○勉齋黃氏曰集註言學而或問以知與能並言

何也曰言人之效學於人有此二者先覺之
入於天下之理該洽貫通而吾懵然未有所
知也於是日聽其議論而向之未知者始有
所知矣先覺之人於天下之事躬行實踐而
吾儂然未有所能也於是日觀其作為而向
之未能者始能矣大抵讀書窮理要當盡聖
賢之意備事物之情非吾好為思慮輕淺得
當然也世之學者意念苟且思慮輕淺得其
一隅便以為足則其為踈率也亦甚矣學者
觀於此亦足以得養心窮理之要矣曰若是
則學之為言固無所不學也今集註於此乃
以為人性皆善必學而後能明善而復其初
何也曰學問之道固多端矣然其歸在於全
其本性之善而已明善謂明天下之理復其
初則復其本然之善也於論語之首章首舉
是以為言其提綱挈領而示人之意深矣○
雲峯胡氏曰人性皆善天命之性也覺有先
後氣質之性也必效先覺之所為或以所為
為所行殊不知汝為周南召南集註曰為猶
學也論語曰為之不厭孟子記夫子之言曰

學不厭是以學字代為字集註於十五志學
下日念念在此而為之不厭是以為字釋學
也此日效先覺之所為猶曰學先覺之所發
而遂明之以復其初明德曰明善而復其初是
包大遂明之以復其初格知至即是明善意
誠心正身脩即是復其初○新安陳氏曰此
論語中第一箇學字朱子挈要指以示人後
覺者必效先覺之致知以明此理又效先覺之力行
以行此理乃可以明善而復其初矣明善者
明本然之善以行言也學之道固多端其要歸在復
之善以行言也學之道固多端其要歸在復
全本然之善而已朱子所謂以己之未知而
效夫知者以求其知以己之未知而效夫能
者以求其能皆學之事也能指行而言知行
皆從性分
上用工夫
習鳥數音翔飛也學之不已如鳥
數飛也
朱子曰說文習字從羽從白月令所
謂鷹乃學習是也○學是未理會得

時便去學習是已學了又去重學非是學得
了頓放在一處却又去習也只是一件事如
鳥數飛只是飛了又飛○問學是知習是行
否曰知自有知底學自小有行底習如小兒
底學這是有行底須將心思量寫字知得字
地寫這學便須將心思量寫字知得字合待
將筆去寫成幾箇字這是行底學今日寫一
紙明日寫一紙又明日寫一紙這人行底習
人不於知上不習便要去行如紙這人行底
不習非獨是知得不要分曉終不能有人於
學而時習之此是論語第一句中有意味無
有輕重虛實之不同然字字皆有意味無一
字無下落學之為言效也以其已有所未
能而效夫知者能者以效求其知能之謂也
字承上起下之辭也時者無時而不然也
者重復溫習也之者指其所知而溫習其
事而所言也言人既學矣而又時時溫習其
知深密而無窮蓋如此聖人雖約而溫習其
折深密而無窮蓋如此聖人雖約而溫習其
同聖人教人讀書只要知所以為學之俗學
俗

學讀書便只是讀書更不理會為學之道是
如何○未知未求能之謂學已不知
已能而行之不已之謂習○胡氏曰學之不
已者學與習非二事也○厚齋馮氏曰習鳥
雖欲離巢而學飛之稱學謂學之於已習謂
習其所學時時而習忍其忘也凡曰而者上
下二義學一義也

也習一義也說喜意也既學而又時時習

之則所學者熟而中心喜說其進自不能已

矣朱子曰學要時習習到熟後自然說喜不
見得好此一句却係切已用功處○學矣而
不習則表裏扞格而無以致其學之之道習
矣而不時則工夫斷而無以成其習之之
功是其胃中雖欲勉馬以自進亦且枯燥生
澀而無可嗜之味危殆杭隍而無可即之安
矣故既學矣又必以時習之則其心與理相
涵而所知者益精身與事相安而所能者益
同從容於朝夕益俯仰之中凡其所學而知且

能者必有自得於心而不能以語人者是其中心油然悅懌之味雖芻豢之悅於口不足

以喻其美矣此學之始也○學到說時程子已是進了一步只說後便自住不得

曰習重平聲習也雙峯饒氏曰習字訓時復扶

反思思洩洽於中則說也朱子曰洩洽二字

水水若未入只是外面濕內面依前乾必浸之久則透裏皆濕習而熟熟而說脉絡貫通

程子所謂洩洽是也○南軒張氏曰學貴於時習程子曰時復思思洩言學者之於義理當

而涵泳繹其端緒又曰學者將以行之也時習

之則所學者在我故悅雲峯胡氏曰時復思

之則習於身○新安陳氏曰上一條以知言此一條以行言采程子二說以見學習當兼

知行也謝氏名良佐字顯曰時習者無時而不

習坐如尸坐時習也立如齊莊皆立時習也

多軒熊氏曰坐如尸立如齊出記曲禮如尸

註曰視貌正如齊註曰磬且聽謂祭祀時○

朱子曰伊川之說則專在思索而無力行

功如上也蔡之說則專於力行而廢講究之義

似皆偏了○新安陳氏曰程子二條說學習

兼知行言謝氏此條惟以時習於行言亦姑

以坐立起例非止謂坐立時也其言時字

亦與時時之意異朱子姑采以備一說耳

有朋自遠方來不亦樂乎

洛樂音

朋同類也自遠方來則近者可知程子曰以

善及人而信從者衆故可樂

朱子曰理義人

我之得私也吾獨得之雖足以說矣然告人

而莫信率人而莫從是獨擅此理而人不得

與於吾心之所同也如十人同食一人獨飽

而九人不下咽吾之所說雖深亦曷能達於

外邪今吾之學足以及人而信從者又衆則
將皆有一己之私矣吾之所然者而吾之所得
不獨為一己之私矣吾之所然者而吾之所得
之所能彼亦何足則其權欣宣暢雖宮商相
宣律呂諧和足以及其樂我此學之也
又曰近者既遠者畢來以學於吾之所學
而求以復其初凡吾之所得而悅於心者彼
亦將有以得其初凡吾之所得而悅於心者
之一原信乎其立必俱立成不見夫性者萬物
不是一自家獨有其人皆有之我習而自得未
及人雖悅未樂○問以善及人而信從者衆
是樂其善之可以及人也乎是樂其信從者
乎曰樂其善之可以及人也乎是樂其信從者
所見則不肯告人持以自多抵君子存心廣大
已有所得足以及人問今既信從者自遠而至
人不不能是多少可及人問今既信從者自遠
其衆如是安得不樂○信從者衆足以驗為可
之有得然已既有得亦欲待人之信從始為可
樂須知已之有得亦欲待人之信從始為可
者但一二亦未能恆吾之意至於信從者衆

則豈不可樂。○問朋來之樂奈何。曰：惟以程子之言求之。然後見夫可樂之實耳。且其以善及人而信從者，衆之明而驗之實，其孰能與字之虛設也。非見之明而驗之實，其孰能與於此。○南軒張氏曰：有朋自遠方來，則已之善得以及人，而人之善有以資已。講習相資，其樂孰尚焉。樂比於說為幾，舒也。○新安陳氏曰：以善之善，即上一節人性皆善及明善之善，習說則善方成已。又曰：說在心，樂主發。朋來則善方及人矣。已。

散在外
朱子曰：程子非以樂為在外也，以為於內而未幾，達於外也。○說是感於外而發於中，樂則充於中而溢於外。○慶源輔氏曰：說我自能而自悅，樂是人皆知皆能而說。我與人同樂。○雙峯饒氏曰：說與樂皆是在中底。今此樂字對上文說字，而言則是主發散在外言之。

人不知而不愠，不亦君子乎。
問：愠，反。

愠含怒意君子成德之名尹氏

名炳字彥明河南人曰

學在已知不知在人何愠之有

朱子曰有朋自遠方來而

樂者天下之公也人不知而愠者一己之私也

也樂者天下之公也人不知而愠者一己之私也

也樂者天下之公也人不知而愠者一己之私也

也樂者天下之公也人不知而愠者一己之私也

也樂者天下之公也人不知而愠者一己之私也

也樂者天下之公也人不知而愠者一己之私也

也樂者天下之公也人不知而愠者一己之私也

也樂者天下之公也人不知而愠者一己之私也

氏曰不見是而無悶出易乾文言不見是於
人而無悶於心引此語解不知不愠甚切此
條聯樂與不愠言愚謂及人而樂者順而易
故居尹說之後
去聲不知而不愠者逆而難故惟成德者能之
問稍知為已則人知不知自不相干何以言
逆而難朱子曰人待已平平亦不覺但彼人
做全不足比數看待心便不甘便是愠愠不
是大故忿怒只心有些不平便是愠便是裏
面動了○人不見知處之泰然略無纖芥不
平之意非成德之君子其孰能之此學之終
也○今人有一善便欲人知不知則便有不
樂之意不特此也見人有善而人或不知之
初不知不愠所以難也○問不愠之說孰為得
日程子得之至論其所以然者則尹氏為尤
切使人之始學即知是說以立其心則庶乎
其無慕於外矣○覺軒蔡氏曰程子謂不見
是而無悶乃所謂君子是不愠然後君子也

朱子謂惟成德者能之則是君子然後不愠
以說樂兩句例之則須如程子之說朱子非
正解本句特統而論之耳所以繼於尹氏程
子之後○慶源輔氏曰順謂理之順逆謂理
之逆曰順曰逆皆理也但處其順者易故及
人而樂者猶可及慶其逆者難故不見是而
無悶非成德之士安然德之所以成亦由學
土樂天者不能及也
之正習之熟說之深而不已焉耳
問集註言
歸於學之正習之熟說之深何也勉齋黃氏
曰學而至於成德又豈有他道哉其所自來
者亦不過是而已非體之之實孰能知之哉
○慶源輔氏曰此章總言始學始終三者之
序有淺深而無二道也又慮夫敏者躡等而
進怠者半途而止昧者又或離析以求之或
失其正而陷於異端故復發此義而使之正
其始之所學然後時習以熟之則夫說之與
樂可以馴致初不待外求而得也又曰不極
其至則無以成其德故又以此說終之○雙

正峯饒氏曰集註謂德之所以成亦在乎學之
○此章六句其工夫只在第一句上其餘五
句皆是效驗○雲峯胡氏曰此章重在第一
節而第一句時習二字最重故上文釋習字
曰學之不已此日學之正習之熟說之深而
又曰不已焉於此見朱子喫緊教人處○新
安陳氏曰此推本所以為成德之由不過自
學習說中來然學必貴乎正習必貴乎熟說
必貴乎深而又加以不已焉學之時習而說
乃後二節之本
亦務本之意

○程子曰樂由說而後得非

樂不足以語君子

朱子曰惟樂後方能進步

新安陳氏曰集註凡推說本章正意外之餘
意必加一圈以間隔之此又以三節下三句
發明餘意也必有成已之說方可進於及人
之樂然非造於樂之地步又不足以言成德
君子也夫學者所以學為君子學由說以進
於樂而至於能為君子學之能事畢矣朱子

云論語首曰學而時習之至不亦君子乎終
曰不知命無以為君子此深有意蓋首篇首
章末篇末章皆拳拳以君子望
學者宜乎朱子以為深有意焉

○有子曰其為人也孝弟而好犯上者鮮矣不
好犯上而好作亂者未之有也弟好皆去聲

有子孔子弟子名若魯人善事父母為孝善事

兄長上聲為弟新安陳氏曰深意在善字上善

言犯上謂干犯在上之人朱子曰只少有拂

也至陵犯乃為犯如疾行先長亦是犯上○干

犯是小底亂到得作亂則為悖逆爭鬪之事

矣問人子之諫父母或貽父母之怒此不為
干犯否曰此是孝裏面事安得為犯然諫時
又自下氣怡色柔聲鮮少也作亂則為悖音
以諫亦非陵犯也

逆爭鬪之事矣此言人能孝弟則其心和順少好犯上必不好作亂也

君子務本本立而道生孝弟也者其為仁之本

與平聲

務專力也

慶源輔氏曰專用其力而為之也

本猶根也仁者

愛之理心之德也為仁猶曰行仁與者疑辭

謙退不敢質言也

朱子曰仁者愛之理是偏言則一事心之德是專言

則包四者故合兩言之則四者心之德而仁為主分而言之則仁是愛之理義是宜之理禮是恭敬辭讓之理智是分是是非之理也仁者愛之理是根愛是苗仁之愛猶糖之甜醋之酸愛是那滋味愛雖是情愛之理是仁也仁者愛之理愛者仁之事仁者愛之

體愛者仁之用愛之理自仁出也然亦不可
離了愛去說仁昌黎博愛之謂仁是指情為
性了周子說德愛曰仁猶說惻隱之心仁之
端也是就愛處指出仁若博愛之謂仁之謂
便是把博愛做仁了○仁便是本仁更無本
了若說孝弟是仁之本則頭上是安頭伊川所
以將為字屬仁字讀蓋孝弟是仁裏面發出
來底乃推行仁道之本自此始爾仁字則流
通該貫不專主於孝弟之一事也仁就水性上
說孝弟就事上說仁如水之源孝弟是第三坎
底第一坎仁民是第二坎愛物是第三坎也
問為仁只是推行仁愛否曰只是推
仁愛以及物不是就這上求仁○勉齋黃氏
曰人之及物不是就這上求仁○乃所謂德
也於虛靈洞徹之中有理存焉此心之德也
乃所謂仁也義禮智三者德之全體
何也義禮智三者德之一端而仁者德之
以仁能包四者故心德之名獨仁者足當之
也故仁之為德偏言之則不及義禮智而
所主惟一事專言之則不及義禮智而四者

無不包也。○諸篇氏泰曰泥愛字則不知仁之體捨愛字則不知仁之用故即理以明體于以見理具於愛之所未幾即愛以明用于以見愛本於仁之所幾見無體何以有用無仁何以能愛因愛心之形而指其在中之理故曰愛之理集註於孟子首章又倒置其語曰仁者心之德愛之理何也論語言為仁是以偏言者言之故以愛之理在先孟子無言仁義則以專言者言之故以愛之理在先孟子無言在先然亦互相發明而非有二也言君子

凡事專用力於根本根本既立則其道自生

朱子曰務本道生是泛言以起下句之實所以集註下一凡字○本立則道隨事而生如事親孝故忠可移於君若上文所謂孝弟乃事兄弟故順可移於長

是為仁之本學者務此則仁道自此而生也

朱子曰其為人孝弟此說資質好底人其心和順柔遜必不好犯上仁便從此生○雲

峯胡氏曰上文是泛言為仁此節則專言君子本立而道生又是泛言君子之於凡事皆用力於根本孝弟為仁之本○程子曰孝又言君子之行仁孝弟為之本

弟順德也故不好犯上豈復扶又有逆理亂

常之事雙峯饒氏曰孝弟順德也犯上是德小不順底事作亂是大不順底事

有本本立則其道充大孝弟行於家而後仁

愛及於物所謂親親而仁民也故為仁以孝

弟為本新安陳氏曰以上解此章正意下句別是一意又推本言之論性

則以仁為孝弟之本或問孝弟為仁之本此

是由孝弟可以至仁否曰非也朱子曰仁不可言至仁是

義理不是地位謂行仁自孝弟始孝弟是仁

地位可言至

之一事謂之行仁之本則可謂是仁之本則
不可蓋仁是性也孝弟是用也性中只有箇
仁義禮智四者而已曷嘗有孝弟來然仁主
於愛愛莫大於愛親故曰孝弟也者其為仁
之本與程子曰孝弟即仁之本也者其為仁之本與非
當以孝弟為本忠恕之為道也○朱子曰為仁
則以仁為孝弟之本天下之大本之類是也論性
為仁以孝弟為本仁字是指其周徧及物者
言之以仁為孝弟之本仁字是指其本體哉
用處言之二程子釋經非諸儒所能及伯子
曰孝弟本其所以生乃為仁之本此語景深
切蓋推原孝弟之理本於父母之所以生所
以為行仁之本也叔子曰孝弟順德也順德
二字足以盡孝弟之義而不好犯上作亂之

意已具乎其中矣讀者不可以不深思也性
中只有仁義禮智四者曷嘗有孝弟來此語
亦要體會得是蓋天下無性外之物豈性外
別有一物名孝弟乎但方在性中則但見仁
義禮智四者而已仁便包攝了孝弟兄弟慈愛
惻隱皆在所包固不止孝弟也猶天地一元
之氣只有水火木金土言水而不曰江淮河
濟言木而不曰梧檟楫棘非有彼而無此也
○問孝弟是為仁之本使事親禮智之本如
義禮智之本也事親從兄此義禮智之本也
知事親從兄所以然者智之文者行禮之本
具於仁以其先哉故是行仁之本也○孝弟
之在仁心孝弟是心之見於事性中只有箇
義禮智曷嘗有孝弟見於愛親便喚做孝見
於事兄便喚做弟如親親而仁民而愛
物都是仁性中何嘗有許多般只是有箇
親親至仁於愛物乃行仁之多般只是有
也故仁是孝弟之本智為本推之則義是羞
禮為恭敬之本智為本推之則義是羞惡之
本

傳只是理會一箇心心是一箇性性只有許多
仁義禮智都無許多般樣見於事自有許多
般樣○性中只有仁義禮智而孝弟本出於
仁論為仁之工夫則孝弟是仁中之最切緊
處當務此以立本而仁愛物方從孝弟做去或
當底事不是要仁民愛物方從孝弟做去或
問如草木之有根方始繁茂不是要得枝葉繁
有根本則枝葉自然繁茂不是要得枝葉繁
茂方始去培植根本○問為仁以孝弟為本
即所謂親親而仁民仁而愛物孩提之童
無不知愛其親及其長也無不知敬其兄是
皆發於心德之自然故論性以仁為孝弟之
本為仁以孝弟為本曰是道理都自仁裏發
出首先發出來為愛愛莫切於愛親其次便
到弟其兄又其次便到事君以及於他皆從
這裏出如水相似愛是箇源頭漸漸流出○
仁是性發出來是情便是孝弟仁之用
以至仁民愛物只是這箇仁行仁自孝弟始
便是從裏面行將去這粒粟生一箇物事○仁
是性孝弟是用譬如一粒粟生一箇物事○仁

粟孝弟是苗便是仁為孝弟之本又如木有根有幹有枝葉親親是根仁民是幹愛物是枝葉便是行仁以孝弟為本。問子於有子孝弟之章既以仁為愛之理矣。於巧言令色鮮矣。仁之章又以為心之德何哉。曰仁者五常之旨也。而包四者惻隱仁之緒也。而貫四端故仁之為義偏言之則曰心之德後章所言言之類是也。專言之則曰心之德。此章所言之類是也。其實愛之理所以為心之德。○問既曰本猶根也。然則孝弟為仁之本。仁為孝弟之本。同乎否乎。慶源輔氏曰。本之為根則弟之其所以為根則異。行仁以孝弟為根。則其施於外者言也。論性以仁為孝弟之根。則其裁於內者言也。行仁不以孝弟為根。則其施無序而無以極。夫仁民愛物之致論性而不以仁為孝弟之根。則其裁無所而無以充乎孝親弟長之實。○或問其為人也。孝弟而好犯上者鮮矣。晦翁謂鮮是少。若說鮮矣。則未以為絕無孝弟之人。猶有犯上之意。耶。潛室陳氏曰。孝弟之人資質粹美。雖未嘗學問。

自是無世俗一等麤暴氣象縱是有之終是罕見到得麤惡大過可保其決無言孝弟之人占得好處多不好處少○雲峯胡氏曰有子以孝弟為行仁之本而程子以仁為孝弟之本譬之木焉有子就枝葉發端處說程子就根本上說程子之言所以補有子之所不及也○新安陳氏曰言仁為論語一書之大綱領南軒張子嘗類聚論語中言仁處為一錄此其首章云

○子曰巧言令色鮮矣仁

巧好令善也好其言善其色致飾於外務以

悅人則人欲肆而本心之德亡矣新安陳氏曰此章仁

字以心之德言乃專言之仁也聖人辭不迫切專言鮮則絕

無可知學者所當深戒也朱子曰巧言亦不專為譽人過實凡

辭色間務為華藻以悅人視聽者皆是○只
爭一箇為己為人若動容貌正顏色是合當
如此亦何害但做這樣務以悅人則不可○
只是心不在時便是仁若巧言令色一向逐外
則心便不在安得謂之仁○巧言令色求以
說人則失其本心之德矣不待利已害人然
後為不仁也○人有此心以其有是德也此
心不在便不是仁巧言令色此雖未是大段
姦惡底人然心已務外只求人悅便到惡處
亦不難○容貌辭氣之間正學者持養用力
之地然有意於巧令以說人之觀聽則心馳
於外而鮮仁矣若是就此持養幾禁躁妄動
必溫恭只要體當自家直內方外之實事乃
是為己之功求仁之要復何病乎又曰小人
許以為直色厲內荏則雖與巧言令色者不
同然考其矯情飾偽之心實巧言令色之尤
者故聖人惡之○問脩省言辭誠所以立也
脩飾言辭偽所以增也哉原慶甚不同夫子
所謂巧令鮮仁推原而察巧令之病所從來
止是有所為而然如未同而言以言餌人脅

肩諂笑以喜隨人之類皆有
所為也日有所為之說甚善
○程子曰知巧

言令色之非仁則知仁矣
子問夫子言鮮仁程

朱子曰夫子之言辭不迫切而意已獨至者
也程子懼讀者之不察而於巧令之中求少

許之仁是以直斷以不仁以解害辭之惑也
○聖門之學以求仁為要語其所以為之者

必以孝弟為先論其所以所以引二者於首章之次
令色為甚記語者所以所以引二者於首章之次

而其序如此欲學者知仁之急而識其所以
富務與其所以戒也○勉齋黃氏曰苟知心

馳於外務以悅人者之非仁也○雲峯胡氏
存於內而無私當理者即仁也○雲峯胡氏

日上章好犯上作亂是剛惡此是柔惡聖賢
深惡焉○東陽胡氏曰此章大意似聖人觀

人然未嘗不警省學者觀其辭甚嚴蓋警省
學者之意為多○知巧言令色之非仁只就

此句翻轉看則知直言正色之為仁然此只
就言色上論蓋仁是心之德延平先生所謂

當理而無私心者也凡欲動於中則心私矣其接於事不當於理者皆非仁也夫致飾於外不當理也務以悅人皆私心也推此類而言之則非禮之視聽言動心私違理皆非仁本註人欲肆而本心之德亡雖就言色上言而所包者甚廣又恐學者止於言色上致察故著程子之說於圈外使人隨事致察而立心以公也

○曾子曰吾日三省吾身為人謀而不忠乎與

朋友交而不信乎傳不習乎

去省悉井反為聲傳平聲

曾子孔子弟子名參字子輿

南武城人

盡已之謂

忠以實之謂信

新安陳氏曰程伯子云發已自盡為忠循物無違謂信大

學章句已來之集註乃采程叔子之說勿齋程氏謂叔子之言為切○朱子曰忠是就心上說信是就事上說○盡已之心而無隱所謂忠也以出乎內者言也以事之實而無違

所謂信也。以驗乎外者言也。然未有忠而
 信。未有信而盡。則為忠。驗於理而無違。則為信。
 忠是信。而自盡。則為忠。忠之幾。○忠信只是一事。
 而相為內外。始終本末。有於已。為忠。見於物。
 為信。○問。曾子忠信。却於外面。理會曰。此是
 脩辭立其誠之意。曰。莫是內面工夫。已到曰。
 內外只是一理。事雖見於外。而實在內。告子
 義外。便錯了。○陳氏曰。從內面發出。無
 一毫不盡。是忠。發出外者。皆以實是信。傳謂
 受之於師。習謂熟之於已。曾子以此三者日
 省其身。問。曾子三省。無非忠信。學習之事。然
 友之外。得無猶有在所省乎。朱子曰。曾子也。
 不是截然不省別底。只是見得此三事上實
 有纖毫未到處。其他固不可。有則改之。無則
 不自省。持此三事較急耳。有則改之。無則
 加勉。朱子曰。曾子三省。看來是當下便省得。
 纔有不是處。便改。不是事過後方始去。

改省了却休也只是合下省得便與他改○
新安陳氏曰易蹇卦大象曰山上有水蹇君
子以反身脩德程傳曰君子遇艱蹇必自省
於身有失而致之乎有所未善則改之無焉
於心則加勉集註二句之所未善則改之無
改之易知也無則加勉非深知魯子之心不
及此使自省而無失只如此而已則三失將
又生矣豈日省勉勉不已之誠心乎無則加
勉四字可補本其自治誠切如此可謂得為
文意之所未盡

學之本矣而三者之序則又以忠信為傳習

之本也

朱子曰謀不忠則欺欺於人言不信則欺於友傳不習則欺於師○三省固

非聖人之事然是曾子晚年進德工夫蓋微

有這些子查滓去未盡耳在學者則當隨事

省察非但此三者而已○為人謀時須竭盡
自己之心這箇便是忠問如此則忠是箇待
人底道理曰且如自家事親有不盡處亦是
不忠○為他人謀一件事須盡自家伎倆與

他思量便盡已之心不得鹵莽滅裂姑為他
謀如鳥喙是殺人之藥須向他道是殺人不
得只說道有毒如火須向他道會焚灼人不
得說道只是熱○為人謀而不忠是主一事
說朋友交而不信是沉說人自為謀必盡其
心到得為他人謀事一似為已為盡心○問為
不忠若為朋友是應事接物之時若未為人謀
人謀交朋友之時所謂忠信便如何做工夫日
未交朋友之時所謂起敬收敬為善若未接物時
程子謂舜雞鳴而起孜孜為善若未接物時
如何為善只是主於敬此亦只是存養此心
在這裏照管勿差失便是戒謹乎其所以不睹
恐懼乎其所以不聞不動而敬不言而信○
勉齋黃氏曰為人謀則必欲實踐其言講學於師則必欲實盡其心交朋
友則必欲實踐其言講學於師則必欲實盡其心交朋
其力蓋曾子天資醇厚志學懇篤其於大學
既推明誠意之旨而傳之于思又斷以誠身
之義至其自省又皆一本乎誠蓋不極乎誠
則凡所作為無非苟簡滅裂是豈足以
盡人事之當然而合天理之本然也哉○尹

氏曰曾子守約故動必求諸身朱子曰守約不是守那約

言所守謝氏曰諸子之學皆出於聖人其後

愈遠而愈失其真新安陳氏曰如子夏傳田子方其流為莊周之類

獨曾子之學專用心於內故傳之無弊觀於

子思孟子可見矣惜乎其嘉言善行去聲不盡

傳於世也其幸存而未泯彌盡反者學者其

可不盡心乎廣平游氏曰此特曾子之省身者而已若夫學者之所省又不

止此事親有不足於孝事長有不足於敬歟行或愧於心而言或浮於行歟慈有所未室

而忿有所未懲歟推是類而日省之則曾子之誠身庶乎可以跂及矣古之人所謂夜以

計過無憾而後即安者亦曾子之意○問三省忠信是聞一貫之後抑未聞之前朱子曰

不見得然未一貫前也要得忠信既一貫後
也要忠信此是徹頭徹尾底○問曾子三省
之事何故只就接物上做工夫南軒張氏曰
若是他人合省之事更多在曾子自省察則
只不能如此三者當省也不是下為已篤實工夫
不能如此○雲峯胡氏曰曾子早已悟一貫之
旨晚加三省之功愈可見其至誠不已之學
蓋其所省者無非推己及人因人反己之學
即其所謂忠恕者也或以為一貫唯在三省後
非矣○新安陳氏曰吾道一貫章及孟子時
雨化之章朱子訓釋非不明白謂曾子於聖
人泛應曲當處已隨事精察兩力行行之但未
知其體之一耳夫子知其真積力久將有所
得是以呼而告之謂君子果能默契其旨即應
之速而無疑孟子謂君子如農人種殖之功其
一即有如時雨化之即淳然奮發兩收成朱
子以盡惟待時雨之至即淳然奮發兩收成朱
章此正是隨察力行處其悟之一貫之旨而一
唯正是人力已盡兩時雨化之之時如何反

以悟一貫為早年事
加三省為晚年事乎

○子曰道千乘之國故事而信節用而愛人使

民以時道無並去聲

道治也或問道之為治何也朱子曰道者治之理也以為政之心言也易為不言

治曰治者政教法令之為治之事也夫子此言者心也非事也千乘諸侯之

國其地可出兵車千乘者也朱子曰車乘之說疑馬氏為可

據馬說八百家出車一乘包氏說八十家出車一乘一乘甲士三人步卒七十二人牛馬

兵甲勇糧具焉恐非八十家所能給也○此等處只要識得古制大意細微處亦不必大

段費力敬者主一無適之謂朱子曰自秦以

至程子方說得親切曰主一之謂敬無識敬字謂一故此合兩言之身是在是則其心在是而

無一息之離其事在是則其心在是而無一
念之離○覺軒蔡氏曰敬該動靜主一亦該
動靜此章敬字敬事而信者敬其事而信於
民也非問敬事而信疑此敬是小心畏謹之謂
薄而為之不敢輕不謂朱子曰遇事無適○
問如何信了方能用曰無信如何做事如
朝更夕改雖商鞅之徒亦不可為政要之下
面三事須以敬信為主○問敬以事言而信
則無不盡也曰信是與民有信期會賞罰不
欺其民淺言之則魏文侯之期獵商君之徒
木亦其類也○胡氏曰哉時謂農隙乞逆之
於已敬則施於民者信
時言治國之要在此五者亦務本之意也朱
曰古聖王所以必如此者蓋有是五者而後
上之意接於下下之情方始得親於上上下
相關方可以為治若無此五者則君抗然於
上而民蓋不知所向有此五者方始得上下

交接。勉齋黃氏曰：敬事而信，敬與信對也。節用而愛人，儉與慈對也。此皆治國之要道。故兩句言四事，而各以兩字貫之，使民以時又慈中之一事，故獨系於後，但言所存未及治具，故曰務本。慶源輔氏曰：左傳農隙杜氏註謂各隨時事之間是也。○前四章是為學之本，此五者。○程子曰：此言至淺。新安陳是治國之本。高平實而非甚難行者。然當時諸侯果能此，亦足以治其國矣。聖人言雖至近，上下皆通此三言者，若推其極，堯舜之治，亦不過此。新安陳氏諸侯之國極可致堯舜之治，言近而指遠也。若常人之言近則淺，近而已矣。楊氏名時，字中立，號龜山，曰：上不敬則下慢，不信則下疑，下慢而疑，事不立矣。

敬事而信以身先之也易曰節以制度不傷

財不害民

節卦彖傳文

蓋侈用則傷財傷財必至

於害民故愛民必先於節用然使之不以其

時則力本者不獲自盡

新安陳氏曰

本謂農事

雖有愛

人之心而人不被其澤矣然此特論其所存

而已未及為政也苟無是心則雖有政不行

焉

新安陳氏曰所存謂為政者之心未及為政之條目如禮樂刑政紀綱文章乃為政

之條目也楊氏此說本於伊川伊川曰敬事以下論其所存未及治具故不及禮樂刑政

胡氏

名寅字明仲號致堂建安人

曰凡此數者又皆以敬

為主

朱子曰敬事而信是節用愛人使民以時之本敬又是信之本要之本根都在

敬上著能敬則下面許多事方照管得到自古聖賢自堯舜以來便說這箇敬字孔子脩己以敬是愚謂五者反復亦作覆反相因各有最緊要處

次第讀者宜細推之

問反復相因朱子曰始

敬信方能用能節用能方能用敬使人時是下因乎上然有敬於己而不信於人者故敬了又須信亦有信於人而自奢侈者故信了又須節用亦有儉嗇而不能愛人者故節用了又須愛人又有能愛人而妨農時者故愛人了又須使民時使民時却不以時却是徒愛也是上因乎下須看能如此之意反覆推之又看能如此又不可不如此之意反覆推之方見曲折○潛室陳氏曰晦庵說五者反覆相因如何是反覆相因處蓋從敬事而信起說作下去是如此而後能如此如此如人能敬則做事專一自能信既信則必欲所行孚於民自能節用既節用自然能使民以時這是不傷財而至

此而後能如此是自上而下相因如此如自
下面說作上來則是如此而又不如此如
如以敬去做事便不敢苟簡胡亂去做須要
十分好方止既得好便不至於苟簡變更這
便是能信然做此一事時久或昏或為權勢
所移或為利害所動前日出一令既如此今
日又變了如彼這便不是信便有妨於敬所
以著別下工夫於信去補這敬然只知信或
出一政堅如金石行一令信如四時更不可
移易此固是好然而自家奢侈之心或有時
而生不能節用要如此廣用則是所令又反
其所好却有害於信故此又須著去節用方得
然只恁底節用不知有箇中底道理則或至
於豚肩不掩豆弊衣濯冠以朝心下已有所
吝嗇則凡民有飢荒不能去幾倉振廩恤貧
濟乏至於築城鑿池思患預防不可已底事
亦吝嗇了不捐財以為之是知節用而不知
所以愛人則節用又成落空了此節用所以
不可不愛人然既愛民又須使民以時如春
來當耕夏來當耘秋來當斂便當隨時使去

做至冬來問隙之時方用他得不然則所謂
力本者不獲自盡雖有愛民之心而民不被
其澤矣此自下
相因而上如此

○子曰弟子入則孝出則弟謹而信汎愛衆而
親仁行有餘力則以學文則弟子之弟上聲

謹者行去聲下同之有常也信者言之有實也

朱子曰謹信言汎廣也衆謂衆人問汎愛衆

行相顧之謂汎廣也衆謂衆人朱子曰入

自是當愛人無憎嫌人底道理又問人之賢

不可不汎愛爾曰他下面便說而親仁了仁

者自當親其他自當汎愛○汎愛不是人人

去愛他只如羣居不將一等相擾害底事親

去駭噪他及不自占便宜之類皆是也

近也仁謂仁者朱子曰汎愛矣○問而親仁曰

此亦是學文之本領蓋不親餘力猶言暇日

仁則本末是非何從而知之

以用也文謂詩書六藝之文

朱子曰只是行此數事外有餘

謂行到從容地位而後可學文也

○程子曰

為弟子之職力有餘則學文不脩其職而先

文非為

去聲

已之學也尹氏曰德行本也文藝

末也窮其本末知所先後可以入德矣洪氏

名興祖字慶善丹陽人

曰未有餘力而學文則文滅其

質有餘力而不學文則質勝而野愚謂力行

而不學文則無以考聖賢之成法識事理之

當然而所行或出於私意非但失之於野而

已

朱子曰無弟子之職以為本學得文濟甚

詩書六藝之文古人小學便有此等今皆無

之所以難又曰人須是知得古人之法方做

不錯若不學文任意自做安得不錯只是不

可先學文耳。問行有餘力而後學文夫豈

以講切為緩哉。曰書固不可以不讀但比之

行實差緩耳不然則又何必言行有餘力而

後學耶。○南軒張氏曰入孝出弟謹行信言

況愛親仁皆在已切要之務行有餘力則以

學文非謂俟行此數事有餘力而後學文也

言當以是數者為本以其餘力學文也若先

以學文為心則非篤實為已者矣。文謂文藝

之事聖人之言貫徹上下此章推言為弟為

子之職始學者之事然充而極之為聖為賢

蓋不外是也。此數言先之以孝弟蓋孝弟人

道之所先必以是為本推而達之也。○雙峯

饒氏曰尹氏以文對德行有本末先後之分

說得文字輕洪氏以文對質言不可偏勝說

得文字差重朱子以學文為致知與力行為

對謂所知不明則所行不當理義明文字甚
重三者互相發明蓋但知文之為輕而不知
其為重則將有廢學之弊故不得而交致抑
揚之意○趙氏曰德固不可一日而不脩學
亦不可一日而不講也○雲峯胡氏曰行有
餘力者謂六事之中每行一事有暇則便學
文非謂每日盡行此六事行之不給則恐終
無學文之必欲盡行此六事行之不給則恐
終無學文之時矣又按熊氏謂此章是小學
自孝弟忠信入故先行而後文子以四教是
大學弟子二字專為小學之事故先文而後
行蓋以弟子獨非為人弟為人子者乎大抵
聖人教人力行必當以學文為先故為弟子
之職者力有餘則便當以學文為重集註力
行而不學文以下正自該子以四教章之意
在其中○新安倪氏曰文章先行二者以本
末之重輕言則行為重故此章先行而後文
而後文先本而後末也以知行之先後言則
文為先故四教章先文而後行之不可不並
後行也以二章參觀之則文行之不可不並

進可
見矣

○子夏曰賢賢易色事父母能竭其力事君能致其身與朋友交言而有信雖曰未學吾必謂之學矣

子夏孔子弟子姓卜名商衛人賢人之賢而易

其好去聲下同色之心好善有誠也問伊川云見

色集註何故取范氏好色之中庸亦以遠色為勸

兩言未見好德如好色中

賢之事已分曉了變易類色有偽為之者不

致猶委也委致其身謂不有其身也朱子曰
身是不為己四者皆人倫之大者而行之必

盡其誠學求如是而已

雙峯饒氏曰賢賢亦朋友之倫也尊賢取

友雖均屬朋友之倫而賢賢為重集註以四者言之人倫莫重於君親此以賢賢居先者

以好善有誠方能行下三事也中庸九經以尊賢先親親亦此意○新安陳氏曰易色是

誠於好賢竭力是誠於事親致身故子夏言是誠於事君言信是誠於交友

有能如是之人苟非生質之美必其務學之

至雖或以為未嘗為學我必謂之已學也

朱子

曰人固有資稟自好不待學而自能盡此數者然使其為學則亦不過學此數者耳故曰

人雖以為未學而吾必以為已學也○南軒張氏曰雖使未學所行固學者之事也○

游氏名酢字定曰三代之學皆所以明人倫

也能是四者則於人倫厚矣學之為道何以

加此子夏以文學名而其言如此則古人之

所謂學者可知矣新安陳氏曰可見子夏之文學非事文藝之末而重

躬行之故學而一篇大抵皆在於務本吳氏

本也名建安人曰子夏之言其意善矣然詞氣之

間抑揚大過其流之弊將或至於廢學必若

上章夫子之言然後為無弊也朱子曰子夏此言被他說

殺了與子路何必讀書之說同其流弊皆至

於廢學若行有餘力則以學文就正有道可

謂好學之類方為聖人之言○天下之理有

大小本末皆天理之不可以無者故學者之務

有緩急先後而不可以偏廢但不可使末勝

本緩急先後耳觀聖人所謂行有餘力則以學

文者其語意正如此若子夏之論則矯枉過

其正耳○問夫子言則以學文子夏言吾必

謂之學矣兩章曰聖人之言由本又末先後
有序其言平正無險絕之意子夏則其言傾
側而不平正險絕而不和易狹隘而不廣大
故未免有弊然子夏之意欲人務本不可謂
之不是但○胡氏曰夫子之言比之則見其偏之著
此也○胡氏曰以未學為生質之義者人固
有得氣質之清粹而所為與理暗合然質之
義有限而學之益無窮故吳氏又慮其抑揚
之有偏也○勉齋黃氏曰子夏此語與曾子
三省是皆心存乎誠求造其極者也然子夏
務實行而抑文學曾子務實行而兼傳習則
曾子之用功愈密而用心愈弘是則子夏之
所不能及矣

○子曰君子不重則不威學則不固

重厚重威威嚴固堅固也輕乎外者必不能
堅乎內故不厚重則無威嚴而所學亦不堅

固也

問既曰君子何故有不重不威朱子曰此是說君子之道大槩如此○輕最害

事飛揚浮躁所學安能堅固○慶源輔氏曰人不重厚則見於外者必無威嚴存於中者必不堅固此表裏自然之符

主忠信

人不忠信則事皆無實為惡則易去聲為善則

難故學者必以是為主焉廣平游氏曰忠信所以進德也如甘

之受和自之受采故善學者必以忠信為主不言則已言而必忠信也故其言為德言不

行則已行而必以忠信也故其行為德行止而思動而為無往而不信是故其行安往而非

進德哉○朱子曰忠為實心信為實事○人若不忠信如木之無本水之無源更有甚底

一身都空了今當反看自身能盡已心乎能不違於物乎若未盡已之心而或違於物則

是不忠信凡百處事接物皆是不誠實且謾
為之如此四者皆是脩身之要乾其中主忠
信又是最要若不主忠信便正衣冠尊瞻視
只是色莊為學亦是且謾為學交朋友未必
盡情改過亦未必真能改過故為人須是主
忠信○主忠信是誠實無偽朴實頭主字最
重凡事靠他做主○問主忠信後於不重不
威何也曰聖賢於為學之序須先自外面分
明有形象處把捉扶豎起來○陳氏曰主與
賓對賓是外人出入不常主常在屋裏主忠
信是以忠信常為吾心之主心所主者忠信
則其中許多道理都實無忠信則道理都虛
極了主字○程子曰人道唯在忠信不誠則無
物且出入無時莫知其鄉者人心也若無忠
信豈復反扶又有物乎問伊川謂忠信者以人
朱子曰以人言之則為忠信不以人言之則
只是箇實理如誠者天之道則只是箇實理

如惟天下之至誠便是以人言之○西山真氏曰論語只言忠信子思孟子始言誠程子於此乃合忠信與誠言之蓋誠指全體言忠信指人用力處言盡得忠信即是誠孔子教人但就行處說行到盡處自然識得本原子曰孟子則併本原發以示人也○新安陳氏曰不誠無物不者人不忠信則事皆無實即此事物集註所謂人不忠信則事皆無實即不誠無物之意

無友不如已者

無毋通禁止辭也友所以輔仁不如已則無

益而有損問必擇勝已者為友則勝已者必

曰但不可求不如已者及其來也又焉得而却之我求勝已者為友不如已者又來求我即匪我求童蒙童蒙求我也○朋友箠不如已便無敬畏而生狎侮豈能有益○無友不如

如已者與勝已者處也。○人交朋友須求有益。○大凡師則求其賢於已者友則求其勝者至於不肖者則當絕之。聖人此言非謂必求其勝已者今人取友見其勝已者則多遠之而不及已者則好觀之此言乃所以救學者之病。

過則勿憚改

勿亦禁止之辭憚畏難也自治不勇則惡日

長

上聲

故有過則當速改不可畏難而苟安也

程子曰學問之道無他也知其不善則速改

以從善而已

廣平游氏曰過而能改善莫大焉蓋能改一言之過則一言善

矣能改一行之過則一行善矣若過而每不憚改者其為善可勝計哉。○朱子曰最要在速字上著力凡有過若今日不便改過愈深則善愈微若從今便改則善可自此而積今

人多集是憚難過了日子○雲峯胡氏曰此過也而集註以為惡日長者無心失理為過有心悖理為惡自治勇則過可反而○程子曰為善自治不勇則過必流而為惡

君子自脩之道當如是也

新安陳氏曰提首句新君子字總說全

章四節游氏曰君子之道以威重為質

慶源輔氏曰威

由重生先言威便文耳

而學以成之學之道必以忠信

為主而以勝已者輔之然或吝於改過則終

無以入德而賢者未必樂

音洛

告以善道故以

過勿憚改終焉

龜山楊氏曰正其衣冠尊其瞻視儼然人望而畏之則重

而有威矣不重則易為物遷故學則不固主忠信求諸已也尚友取諸人也取諸人以為

善而友非其人則倫胥而敗矣故無友不如已者合志同方營道同術所謂如已者也聞

善則相告見不善則相戒故能相勸而善也
過憚改亦不足成德矣。勉齋黃氏曰外
重厚而內忠信則其本立矣。勝已而速改過
則其德進。慶源輔氏曰苟未至於聖人孰
能無過儻或畏難而苟安則過益以大志益
以德亦無不惟勝已之友將舍我而去而忠信之
自始學至於成德唯改過為最急。新安陳
氏曰君子之為學當以重厚為質。尤當以忠
信為主而輔之以勝已之友。終之以改過之
勇焉。四者之中主忠信為尤重。能主忠信則
念念事事無非誠實必能實於重厚威嚴以
堅其學實於取友改過以進其學矣。

○曾子曰慎終追遠民德歸厚矣

慎終者喪盡其禮追遠者祭盡其誠民德歸
厚謂下民化之其德亦歸於厚蓋終者人之

所易

去聲下同

忽也而能謹之遠者人之所易忘

也而能追之厚之道也故以此自為則已之

德厚下民化之則其德亦歸於厚也

龜山楊氏曰孟

子云養生不足所以當大事惟送死可以當大

於身則大事人子所宜慎也故三日而殯凡附

葬凡附於棺者必誠必信勿有悔焉耳矣三月而

夫一物不具皆悔也雖有悔焉無及矣此不

齊之慎也春秋祭社以其笑語思其所為齊者則

所樂思其所以盡其心者至日乃見其所為齊者則

孝子所以歸厚乎。朱子曰謹終追遠自是民德

理所當然人心所不能自已者自是上之人

所當為不為化民而為之能如此則已德厚

而民德亦化之而厚矣。蘇說曰忽略於喪

祭則背死忘生者衆而俗薄矣。雲峯胡氏

曰古註云慎終者喪盡其哀追遠者祭盡其敬集註依伊川說以禮與誠易之蓋喪者有必哀者而未必皆盡誠薄俗往往然也惟民生厚民德本厚也歸厚不過復其本然者爾豈有增益之哉○東陽許氏曰常人之情於親之終悲痛之情切而戒慎之心或不及親遠而祭恭敬之心勝而思慕之情或踈君子存心則加於此送終既盡擗踊哭泣之情又盡喪死之禮送終既盡附於禮如禮記殯而附於身者必誠必信祭遠者既盡棺者必誠必信勿之有悔之類祭遠者既盡孝敬之意又致追慕之情如禮記所謂祭死孝者如不欲生霜露既降有悽愴之心兩露既濡有怵惕之心之類如此則過於常人其德為厚○慎終存哀中之敬追遠動敬中之哀厚○

○子禽問於子貢曰夫子至於是邦也必聞其

政求之與抑與之與

之與之與
平聲下同

子禽姓陳名亢

音岡陳人

子貢姓端木名賜

衛人

皆

孔子弟子或曰亢子貢弟子未知孰是抑反

語辭

子貢曰夫子溫良恭儉讓以得之夫子之求之

也其諸異乎人之求之與

溫和厚也

西山真氏曰和無厚字方盡溫之義和如春風和氣之和厚如坤厚

載物之厚和不慘暴也厚不刻薄也

良易

去聲下同

直也

朱子曰記言易直子

諒之心易平易坦易直如白直無險諛子諒慈良也

恭莊

敬也

西山真氏曰莊

主容貌敬主心中

儉節制也

朱子曰儉非止

肆常收斂之意○

西山真氏曰

讓

讓遜也

者自然之界限限制者用力而裁制

西山真氏曰蓋謂不矜已五者夫子之盛德

之善遜謂推善以歸人

光輝接於人者也新安陳氏曰夫子之盛德

聖德之光輝發見於接人之際者○林氏少

穎曰形容聖人之盛德必推其著見者言之

堯曰欽明文思舜曰濬哲文明溫恭允塞湯

曰齊聖廣淵文王曰微柔懿恭夫子曰溫良

恭儉讓皆以其德其諸語辭也人他人也言

之著者言之也

夫子未嘗求之但其德容如是故時君敬信

自以其政就而問之耳非若他人必求之而

後得也朱子曰子貢謂夫子之求之此承子

子未嘗求如孟子言伊求字而反言之以明夫

尹以堯舜之道要湯也聖人過化存神之妙

未易窺測然即此而觀則其德盛禮恭而不

命語集注大全一

二十一

願乎外亦可見矣學者所當潛心而勉學也

新安陳氏曰君子所過者化所存者神出孟

子謂聖人身所經歷處則人皆化心所存主

處皆神妙無不通也德言盛禮言恭出易繫

辭不願乎其外出中庸○朱子曰此五者皆

謹厚謙退不自聖賢底意故人皆親信樂告

之最要者此五字是如氣象體之於我則

見得聖人有不求人而人自來問底意今人

却無非是求學者且去理會不求底道理方

好

○謝氏曰學者觀於聖人威儀之間亦可

以進德矣若子貢亦可謂善觀聖人矣亦可

謂善言德行矣今去聖人千五百年以此五

者想見其形容尚能使人興起而況於親炙

之者乎

朱子曰此子貢舉夫子可親之一節耳若論全體須如子溫而厲威而不

猛恭而安○雲峯胡氏曰溫而厲威而不猛
恭而安此夫子中和氣象也子貢言溫而不
言厲言恭而不言安言良儉讓則見不猛而
不見所謂威皆未足以盡盛德之形容不遇
以其得聞國政姑以其光輝接物者言爾必
如子貢異時綏來動和等語乃是以見夫子
過化存神之妙焉按饒氏謂此即聖人中和
氣象又謂集註過化存神未易窺測之語與
謝說三亦字皆微寓抑揚之意夫苟是中
氣象則謝不當三亦字以謝氏為微寓抑
之意則其不足自相反而不可不辨也張敬
饒氏前後二說自相反不可不辨也

夫

軒名棧漢人

曰夫子至是邦必聞其政而未

有能委國而授之以政者蓋見聖人之儀刑

而樂告之者秉彛好德之良心也而私欲害

之是以終不能用耳

慶源輔氏曰好德之心固有而易發私欲之害

蔽深而難除此所以夫子至是邦必聞其政而未有能委國而授之以政者也

○子曰父在觀其志父沒觀其行三年無改於

父之道可謂孝矣

行去聲

父在子不得自專而志則可知父沒然後其

行可見故觀此足以知其人之善惡

新安陳氏曰此

為父子志趣事為之不同者言之志者行之未形者行者志之已形者也然又必

能三年無改於父之道乃見其孝不然則所

行雖善亦不得為孝矣

慶源輔氏曰就事而言雖是就心而言則

不得為孝矣

○尹氏曰如其道雖終身無改可也

如其非道何待三年然則三年無改者孝子

之心有所不忍故也游氏曰三年無改亦謂

在所當改而可以未改者耳

雲峯胡氏曰不忍改以心言所

當改以事言可未改以時言○延平李氏曰道者是猶可以通行者也三年之中日月易過若稍稍有不愜意處即率意改之則孝子之心何在有孝子之心者自有所不忍耳非斯須不忘極體孝道者能如是耶○朱子曰父在觀其志此一句已自有處變意思必有為而言觀其文意便是父在時子非無行而其所自有與父不同者父在時子非無行而其所主在志父沒時子非無志而其所主在行道猶事也言道者尊父之辭三年無改是半上落之下事雖在所當改但遽改之則有死其親之心有揚親之過之意須三年後徐改之便不覺若大故不好底事則不在此限矣其不可改者則終身不改固不待言其不可以待三年者則又非常之變亦不可以預言善讀者推類而求之或終身不改或三年而改

或甚不得已則不待三年而改顧其所遇之
如何但不忍之心則不可無耳存得不忍之
心則雖或不得已而改亦不害其為孝尹氏
說得孝子之心未說得事游氏則於事理上
說得聖人語意出○此章只是折轉說上二
句觀人之大槩下句就觀其行細看其用心
之厚薄如何行雖善矣父道可以未改而輕
率改之亦未善也纔說三年無改便是這事
有未是處若父道已是何用說無改終身行
之可也○大意不忍改之心是根本而其
之權衡則游氏之說盡之○父在時使父賢
而子不肖雖欲為不肖之事猶以父在而不
敢為然雖無甚不肖之行而其志可知矣使
子賢而父不肖雖欲為善事而父有所不從
時有勉強而從父之為者此雖未見其善行
而要其志之所存則亦不害其為賢矣至於
父沒則已自得為於是其行之善惡可於此
而見矣○問志者志趣其心之所趣者是也
行者行實其志而志趣向可知故觀其志父沒
於行事而其志之趣向可知故觀其志父沒

則子可以行其志矣其行實暴白故觀其行
然三年之間疾痛哀慕其心方皇皇然望望
然若父母之存而庶幾於親之復見豈忍以
為可以得行之志而遽改以從己志哉存得
此心則於事有不得不改者吾迫於公議不
得已而改之亦無害其為孝矣若夫其心自
幸以為於是可以行己之志而於前事不如
已意者則遂遷改以從己之志則不孝亦大
矣豈復論其改之當與不當哉蓋孝子之虔
心親雖有存沒之間而其心一如父在不
自專况謂之父道則亦在所當改而不可以
改者三年之間如白駒過隙此心尚不能
而一不如志率然而改則孝子之心安在哉
故夫子直指孝子之心推見至隱而言不必
主事言也著乃外迫公議內懷欲改而方且
隱忍遷就以俟三年而後改焉則但不失經
文而已大非聖人之意耳曰此說得之○或
問孟莊子之孝也其他可能也其不改父之
臣與父之政是難能也與此同否曰不同此
章是言父之所行有不善而子不忍改乃見

其孝若莊子之父獻子自是箇賢者其所施
之政所用之臣皆是莊子能不改之此其所
以為難○南軒張氏曰若悖理亂常之事孝
子其敢須更以寧不曰孝子成父之義不成
父之惡乎曰父之道則固非悖理亂常之事
也○西山真氏曰為人子者當隨所遇而裁
之自人君而言則武繼文志則終身無改宣
承屬之烈則不待三年而改若可繼雖不若
文而當改又不如屬則所謂三年無改者也
三年之間惟盡哀慕之誠姑泯改為之迹不
亦善乎○東陽許氏曰此章主於觀人但上
兩句觀志行之大分三年無改又是觀行中
節之一

○有子曰禮之用和為貴先王之道斯為美小
大由之

禮者天理之節文人事之儀則也

朱子曰節者等級也

文者不直截而回互之貌是裝裹得好如升
降揖遜天下有當然之理但此理無形影故
作此禮文畫出一箇天理之節與人看使有規矩
可以憑據故謂之天理之節與人文之節
曰如天子之服十二章上公九章各有等數
此是節若是人山龍華蟲之類為飾此是文如冠
如婚此是儀若是天子冠禮裏有三加揖讓升降
慶此是儀若是天子冠禮則當如何諸侯則當
如何各有理而具於是則陳氏曰天理在中而著
於事人事在理而具於心者也天理其體而人
其用也節文儀則四字相對說節則無太過
文則無不及儀在象底意與文字相相應則
儀謂容儀有祭然不易底意與節字相應則
謂準則有確然不易底意與節字相應則
天理之節文而後有人事之儀則○胡氏曰
天理其體故先儀而後文和者從止容不
人事其用故先儀而後文和者從止容不
迫之意蓋禮之為體雖嚴然皆出於自然之

理故其為用必從容而不迫乃為可貴

新安陳氏

曰因用而遯其體惟體出於自然之理故其用以從容不迫為貴從容不迫蓋從自然中

來先王之道此其所以為義

字新安陳氏曰此

之和而小事大事無不由之也

朱子曰禮之

君父自然用嚴敬此是人情願非由抑勒矯拂是人心固有之同然者不待安排便是和

纔出勉強便不是和○禮主於敬而其用以和見出無非自然○禮主於敬而其用以和

為貴然敬而和著意做不得纔著意嚴敬即拘迫而不安要放寬些又流蕩而無節須是

真箇識得文理之自然處則事事物物上都有自然之節文雖欲不如此不可得也故雖嚴

而未嘗不和雖和而未嘗不嚴也又曰和便

有樂底意思故和是樂之本○禮如此之嚴

分毫不可犯何處有箇和須是知道吾心安不安

便是和如入公門鞠躬須是如此方安不安

此便不安不安便是和以此見得禮中本
來有箇和不是外面物事至嚴之中便是至
和處不可分作兩截看○但不做作而順於
自然便是和和是嚴敬中順禮而安泰者也
○覺軒蔡氏曰有子專以禮之用言朱子蕪
以禮之體言禮之用固貴於和論禮之體則
禮中本有自然之和非
禮之外又加從容也

有所不行知和而和不以禮節之亦不可行也

承上文而言如此而復扶又反下同有所不行者

以其徒知和之為貴而一於和不復以禮節

之則亦非復禮之本然矣新安陳氏曰節即天理節文中本然

節之所流蕩忘反而亦不可行也朱子曰禮之用和是

禮中之和知和而和是放教了○程子曰禮勝



則離故禮之用和為貴先王之道以斯為義
而小大由之樂勝則流故有所不行者知和
而和不以禮節之亦不可行

新安陳氏曰禮勝則離樂勝則

流二句出樂記此章本只論禮未嘗論樂程

子特借樂字以言和字耳○朱子曰好就勝

字上看出些子便這些子禮纔勝些子便

是離了

樂纔勝些子便是流了知其勝而歸之中便

是禮樂之正○和固不可便指為樂是禮中

之樂如天子八佾諸侯六大夫四士二此樂

之有節處又是樂中之禮也便見禮樂不相

離○天下之事嚴而不和者却少和而節

之以禮者常多又曰如人入神廟自然敬肅

不是強為之禮之用自然有和意禮之問從

便是禮之樂有節處便是樂之禮○然如

客不迫如何謂之和曰只是說行得自然如

此無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

自無那牽強底意思便是從容不迫那禮中

不迫若離了禮說從容不迫便是自恣又曰
只是立心要從容不迫不得纔立心要從容
不迫少間便都放倒了且如聖人恭而安聖
人只知道道合著恭自然不待勉強而安纔說
要安排箇安便添了一箇問禮之體雖截
然而嚴然自然有箇擗節恭敬底道理故其
用從容和緩所以為貴苟徒知和而專一用
和必至於流蕩而失禮之本今人行事莫是
用先全禮之體而却是後雍容和緩以行之否曰
是。知和而坐不如箕踞徐行後長者不如疾
禮且如端坐不如箕踞徐行後長者不如疾
行先長者到這裏更有甚禮可知是長者不
也。問伊川曰別而和別字如何曰分雖嚴
而情却通。問上蔡謂禮樂之道異用而同
體如何曰禮主敬主敬則和這便是他同體處
又曰禮主於敬樂主於和此異用也皆本之
於一心是同體也。和是碎底敬敬是合聚
底和蓋叢出無不中節便是和處。敬與
和猶小德川流大德敦化。問先生常云敬
是合聚底和是碎底敬是以敬對和而言

否曰然敬只是一箇敬無二箇敬二便不敬
矣和便事事都要和這裏也恰好那裏也恰
好這處也中節那處也中節若一處不和便
不是和矣敬是喜怒哀樂未發之中是和是
兩皆中節之和纔敬便自然和如敬在這裏
坐便自有箇氤氲磅礴氣象凡恰好處皆是
和○問禮樂之用相反成曰且如而今對
面端嚴而坐這便是禮合於禮便是和如君
臣之間君尊臣卑其分甚嚴若以勢觀之自
是不和然其實却是甘心為之皆合於理而
自和矣○西山真氏曰太嚴而不通乎人情
故離而難合太和而無所限節則流蕩忘反
所以有禮須用有樂有樂須用有禮此禮樂
是就情性上說○雙峯饒氏曰有子論仁論
禮皆只說得下面一截上面一
截須待程子朱子為發明之
成都人曰凡禮之體主於敬而其用則以和為
貴敬者禮之所以立也和者樂之所以由生也

若有子可謂達禮樂之本矣

朱子曰自心而

和為用以致對和而言則敬為體和為用大抵體用無盡時只管恁地推將去○和固不可便指為樂然乃樂之愚謂嚴而泰和而節

此理之自然禮之全體也毫釐有差則失其

中正而各倚於一偏其不可行均矣

新安陳氏曰嚴

謂禮之體嚴泰謂自然之理及從容不迫此指上一節和謂知和之節謂以禮節之之節此指下一節程范借樂字以形容和字朱子要歸之論只言禮而不及樂的矣嚴而泰和而節六字斷盡一章大意○雲峯胡氏曰集註前一節分體用後一節獨說全體何也前章是因有子言用而推原其體後總說禮之全體則包前所謂體用者在其體中矣如天冲和地下合同而化便是嚴而泰如四時陰陽

然之理而禮之全體如此也然禮之全體嚴者未嘗不泰人則有嚴而失其中者矣未免倚於嚴之一偏不可行矣禮之全體和者未嘗不節人則有和而失其正者矣未免倚於和一之偏亦不可行矣此一偏字與全體字相反夫其體之全也本如此而人之偏也乃如此人之於理有毫釐之差則失之故也

○有子曰信近於義言可復也恭近於禮遠恥辱也因不失其親亦可宗也近遠皆去聲

信約信也

慶源輔氏曰此信字本是約信若只是誠信之信則信是實理豈有

不近義者哉○勉齋黃氏曰以實之謂信事之已見而以其實者也○約信與人期約而求其實者也○汪氏炎昶曰曲禮義者事之宜云約信曰誓約信二字本此

也復踐言也恭致敬也禮節文也

胡氏曰信為約信恭

為致敬皆指人之行此兩言非信恭之本體也○雲峯胡氏曰義者心之制事之宜此獨日事之宜禮者天理之節文此獨所謂信恭者非信恭之本體故所謂禮義者亦非指本體而言集註未嘗輕下一字也因猶依也宗猶主也言約信而合其宜則言必可踐矣朱子曰此言初與人約便須思量他日行得方可諾之若不度於義輕諾之他日言不可復便害信也○如今人與人要約當於未言之前先度其事之合義與不合義合義則言不合義則不言言之則其言必可踐而行之矣今不先度其言且鶻突恁地說了到明日却說這事不義不做則是言之不可踐也言而不先度之不信踐其所言人是不義是不先度之故致恭而中聲其節則能遠耻辱矣朱子曰恭唱喏時便看近禮不近禮○如見尊長而拜禮也我却是不拜被詰問則無以答這便是為

人所恥辱有一般人不當拜而拜之便是諂
人下字寬亦大綱說雖未盡合禮義亦已近
禮義了○恭凡致敬皆恭也○禮則辨其異若
與上大夫接而用上大夫之恭是過也與不
下大夫接而用上大夫之恭是過也與不
及必取厚矣○雙峯饒氏曰有子氣象從容
辭不迫切於禮義皆以近言集註恐其寬緩
故直以合義中節言之○所依者不失其可親
不用其辭而用其意也
之人則亦可以宗而主之矣○朱子曰因之為
如先主之依劉表是也○宗之為主彼尊我賤
而以其之為歸如孔子之於宗之為主彼尊我賤
顏辭由是也○依失其親若未甚害所宗而失
其親其害大矣○然今日依之則後日有失
宗之異日以君子之有主矣○因如徐辟之
焉則異日以君子之有主矣○因如徐辟之
因因猶傍也○親又較厚宗則宗主之又較重
當時羈旅之臣所至必有主須於其初審其

可觀者從而此言人之言行去聲交際皆當謹

之於始三說上句而慮其所終三說下句不然則因仍

苟且之間將有不勝平其自失之悔者矣問

言是約信行是致恭交際是依人朱子曰大綱如此皆交際也言可復便是依人朱子曰大綱如此皆交際也

用兩截看上一截信近義恭近禮因不失親

是交際之初合下便思慮到底下一截言可

復遠恥辱亦可宗是久後無弊之效當初便

當思量到無弊處○是問注因循苟且是且因仍

與苟且一般○一操字因胡氏曰猶此章皆謹始之意與

做一般○雲峯胡氏曰猶此章皆謹始之意與

其悔於終孰著謹之於始○東陽許氏曰約

言必合於事之宜防其過也○致恭必中於禮

兩節欲明理下一節要知人則皆無失上兩

皆節明理者能之三事各開看非相因之辭

命五書注

三十一

○子曰君子食無求飽居無求安敏於事而慎

於言就有道而正焉可謂好學也已聲好去

不求安飽者志有在而不暇及也朱子曰食無求飽居

無求安飽是見得自家心裏常有一箇合當緊底道理此類自不暇及○新安陳氏曰志

在學自不暇及敏於事者勉其所不足謹於言

者不敢盡其所有餘也朱子曰言易得多故

足故須敏又曰行常苦於不足言常苦於有餘○雙峯饒氏曰敏於事之事非特指行事

而○言凡學問思辨窮理之事皆事也○新安陳氏曰中庸曰有所不足不敢不勉有餘不

敢盡集註然猶不敢自是而必就有道之人

以正其是非則可謂好學矣朱子曰不求安飽是其存心處

歛事謹言是其用工處須就正方得有許多
工夫不能就有道以正其是非也。不得無許
多工夫。雖欲就正有道亦徒然。○此章須反
覆看其意思如何。若只求安飽而不謹言
敏行。有甚意思。若只謹言敏行而不就正有
道。則未免有差。若工夫不到。則雖親有道亦
無可就正者。聖人之言。凡言道者。皆謂事物
周遍無欠缺類如此。當然之理。人之所共由者也。
朱子曰。道即理。則謂之道。以其各有條理而言。則謂之理。○
雲峯胡氏曰。學而篇言道者。三前兩道字。況
此一道字。切父之道。是父之所由。先王之道
是先王之。所由故集註獨於此釋之。曰。入之
所共由。道猶路然。人所由者。謂之非路不可
不若人之所共由者。則大路也。○新安陳氏
曰。此有道字。指有道之人。此人之身。○尹氏
與道為一。能由人所共由之道者也。○

曰君子之學能是四者可謂篤志力行者矣

然不取正於有道未免有差如楊墨學仁義而差者也其流至於無父無君謂之好學可

乎

朱子曰楊氏以世人營營於名利埋沒其身而不自知故獨潔其身以自高然不知其

義者制事之宜處人倫事物各當其所乃合於義今但知有己而已使人皆如此潔身自

高則天下事教誰理會此便是無君墨氏見世人自私自利不能及人故欲無天下而盡

愛之然不知仁者心無不傳遍而施則有差等心皆溥遍者仁也其理一施有差等者仁

中之義也其分殊今親親與仁民同是待親猶他人也此便是無父此學者所以必求正

於有道也○勉齋黃氏曰尹氏所謂篤志為不求安飽而言也所謂力行為敏事慎言而

言也○以是四字而繼之以集註不敢自是之言然後足以盡此章之旨蓋此章謂之好學

非篤志力行不自是亦無以見其所以為好也○雲峯胡氏曰必無求然後見其有好好之

之志必敏慎然後見其有行之實必取正
有道然後不差夫好之之路此足以見好學
者之甚難得也

○子貢曰貧而無諂富而無驕何如子曰可也

未若貧而樂富而好禮者也

樂音洛
好去聲

諂卑屈也驕矜肆也

慶源輔氏曰為貧所困
則氣隨以歎而為卑屈

故多求而諂為富所張則氣隨
以盈而為矜肆故有恃而驕

常人溺於貧

富之中而不知所以自守故必有二者之病

無諂無驕則知自守矣而未能超乎貧富之

外也凡曰可者僅可而有所未盡之辭也樂

則心廣體胖而忘其貧好禮則安處上聲善樂

音洛循理亦不自知其富矣漢董仲舒策孔

人為貴明於天性知自貴於物知自貴於物

然後知仁義知仁義然後重禮節重禮節然後

謂安慶善安慶善然後樂循理日心廣體胖者指其樂

之象安慶善樂循理者論其好禮之實○

新安陳氏曰忘其貧不自知其富則超乎貧

富之外矣○東陽許氏曰樂與好禮皆是心

上言故上面說心廣下面說樂與好禮皆心

大寬平則體自然舒泰此由內以達外以原

安於慶善蓋其心樂於循理也此由外以原

內也樂一字全是心故先言內禮有節文於

事上也見其好之則在心也故先言內禮有

安舒為得早屈心既樂循理為得有意子貢

貨殖音寔蓋先貧後富而嘗用力於自守者家

子貢家富累千金好販與時轉故以此為問

貨註云買賤賣貴以殖其貨

而夫子答之如此蓋許其所已能

新安陳氏曰新可也

許其已能自守

而勉其所未至也

新安陳氏曰新勉其更

進於樂與好禮○龜山楊氏曰貧而無諂則

貧而不諂富而無驕則富不至於溢與夫

善也故又以貧而樂富而好禮告之○朱子

曰富無驕貧無諂○隨分量皆可著力如不向

此上立得定是入門便差了○貧則易諂富

則易驕無諂無驕是知得驕諂不好而不為

之耳樂是他自樂了不自知其為貧也好禮

是他所好者禮而已亦不自知其為富也○

自無諂無驕者言之須更樂與好禮方為精

極不可道人資質合下便在樂與好禮地位不

去蓋有人資質合下便在樂與好禮地位不

可更回來做無諂無驕底工夫孔子意做兩

人說謂一般人無諂無驕不若那一子意做兩

與好禮較勝他子貢意做一人說謂無諂無

驕不若更樂與好禮又曰今人未能無諂無

驕却便要到貧而樂富而好禮如何得子貢
 却盡得無諂無驕底了聖人更進得他貧而
 樂富而好禮地位。問子貢問貧無諂富無
 驕伊川諸說大抵謂其貨殖非若後人之豐
 財但此心未忘耳今集註謂其先貧後富則
 是亦嘗如後世生產作業矣曰聖人既說貨
 殖須是有些如此看來子貢初年亦是把貧
 富煞當事了。厚齋馮氏曰無諂無驕則知
 自守矣然猶有所用力焉力少不遠則諂驕
 復形樂且好禮則貧富兩忘矣蓋知樂天循
 理而無復事
 於人事也

子貢曰詩云如切如磋如琢如磨其斯之謂與

磋七多反
 與平聲

詩衛風淇奧於六反之篇言治骨角者既切之

而復扶又反磋之治玉石者既琢之而復磨

之治之已精而益求其精也子貢自以無諂
無驕為至矣聞夫子之言又知義理之無窮
雖有得焉而未可遽自足也故引是詩以明
之朱子曰所謂義理無窮不是說樂與好禮
自是說切磋琢磨精而益精耳○子貢問
無諂無驕夫子以為僅可然未若樂與好禮
此其淺深高下亦自分明子貢便說切磋琢
磨方是知義理之無窮也○無諂無驕隨事
知戒足以自守也然未見其於全體用功而
有自得處也樂與好禮乃見其心之所存有
非貧富之所能累者此子貢所以有切磋琢
磨之譬也治骨角者既切之而復磋之治玉
石者既琢之而復磨之皆先略而後詳先粗
而後精之意○子貢舉詩之意不是專以此
為貧而樂富而好禮底工夫蓋見得一切事
皆合如此不可安於小成而不自勉也○或
問大學傳引此詩以道學自脩釋之與此不

詩言集言入卷一

四十一

子曰賜也始可與言詩已矣告諸往而知來者

往者其所已言者來者其所未言者

朱子曰

謂處貧富之道所未言謂學問之功○勉齋黃氏曰此章須是見得切磋琢磨在無諂無驕樂與好禮之外方曉得所已言所未言前之問答蓋言德之淺深此之引詩乃言學之

密○愚按此章問答其淺深高下固不待辨

同何也曰古人引詩斷章取義姑以發已之志或踈或密或同或異蓋不能齊也○勉齋黃氏曰若謂無諂無驕為一如切磋琢磨則告往知來一句便說不得子貢言無諂無驕夫子言未若樂與好禮子貢便知義理無窮人須就學問上做工夫不可少有得而遽止詩所謂如切磋琢磨○西山真氏曰而益致其精者其此之謂與○西○山○真○氏○曰凡製物為器須切磋琢磨成形質了方可切磋琢磨既切磋琢磨了若不切磋琢磨如何得他精細潤澤

說而明矣然不切則磋無所施不琢則磨無

所措故學者雖不可安於小成而不求造到

反道之極致亦不可驚音務於虛遠而不察切

已之實病也雲峯胡氏曰常人二者之病與

若只就貧富上說貧者病諂富者病驕必除

諂驕之病然後可到樂與好禮地步若就義

理學問上說則學者之病固多必先除切已

之實病然後可求造道之極致也○新安陳

氏曰切必貴磋琢必貴磨此正意也必

切方可加磋必琢方可加磨此餘意也

○子曰不患人之不已知患不知人也

尹氏曰君子求在我者故不患人之不已知

不知人則是非邪正或不能辨故以為患也

朱子曰：若宰相不能知人，則用捨之際不能
進賢退不肖。若學者不能知人，則處朋友之
際不能辨益友損友。又曰：論語上如此言者，
有三：不能病人之不已，知病其不能也。患莫
有已，知求為不可知也。聖人之病，我之言雖
皆別病，其不能者，言病我有所不能，而意
為可，知者當自求，可昭灼之實，然後人自
知。然如此者，亦不是。為昭灼之實，然後人自
知。破如何？知得道理，明自賢否。問知人，是
親友曰：小事皆然。然學做工夫，到知人，是
已甚高。慶源輔氏曰：人不知己，其病在己。
已不知人，其病在己。君子之學，為己不暇，病
人之病，而病已之病也。蔡氏曰：學而末章
與首章，人不知而不知，意馬學必專求在己，
衛靈篇又三致意焉。學必專求在己，庶無所
慕於人也。○雲峯胡氏曰：始以不知，不愠終
以此章學兩一篇終始也。始以不知，不愠終
終以無以為君子也。始則結以患不知人，終
則結以不知言，無以知人。論語一書終始也。

門人紀次豈無意歟。○東陽許氏曰：此兩句平說，只是不必欲人知。我我却要知人，但兩知字不同。上知只欲知己之善，不知却欲知人之善惡，專就學者言，則上句不患人不知，知便自可。包後章患其不能之意，在其中便當明理脩身，自加精進，使有可知之實。則雖不求人知，而人必知之矣。下句則凡尊師取友，與人交際往來，須知其善惡，而趨避之。然後無損而有益。然此專以學者言，聖人則未嘗指定也。若推而言之，則上下皆可通。上句論其極，則雖居高位，其處已應事，唯循天理，上不欺其君，下不病其民，內無愧於心，何必欲人盡知吾心也？否則有違道干譽之失矣。下句論其極，則仕而擇可宗之人，有位而舉賢才為用，為宰輔而進退百官，非知人之明，其可乎？否則賢愚混淆，分朋傾軋，而亂亡至矣。

論語集註大全卷之一

論語集註大全卷之二

為政第二

凡二十四章

子曰為政以德譬如北辰居其所而眾星共之

共音拱亦作拱

政之為言正也所以正人之不正也

新安陳氏曰首

訓正字本夫子政者正也子率以正孰敢不正之意蓋以政之理言善第三章集註云政謂法制禁令則指德之為言得也行道而有

得於心也

新安倪氏曰倪氏附錄本如此他本本作得於心而不失也○胡氏通

必主得於心而不失之說膠於胡泳伯量所記謂先生因執扇謂曰德字須用不失訓如

得此物可謂得矣纔失之則非得也此句含
兩意一謂得於有生之初者不可失之於有
生之後一謂得於昨日者不可失之於今日
先生謂此說縱使有之亦必非末後定本深
思細玩終不如行道而有禮記德者得也禮
可易也朱子訓德字蓋倣禮記德者得也禮
樂皆得謂之有德而所言初作得於身後改得
於心夫道字廣大天下所共由德字親切吾
心所得行行道行之於身也未足以言德必
有得於心則躬行者始心得之與理為一
斯可謂之德有次第有歸宿精矣今曰得於
心而不可失則得於心者何物乎方解德字未
到持守處不必遽云不失不比據於德註云
據者執守之意得之於心而不失此兩字乃自
據德則道得於心而先云德則兩字乃自得
據字上說來况上文先云德則兩字乃自得
於心者也其證尤明白若遽云不失則似失
之於心又近於其贅大序所謂本之躬行心
躬行即行道而祝氏定本為尤信也
前
後
參
觀
之
而
祝
氏
定
本
為
尤
信
也
以
北
辰
北

極天之樞也居其所不動也共向也言衆星

四面旋繞而歸向之也

邵子曰天地無石之虞皆土也天無星之虞

皆辰也。朱子曰北辰是天之樞紐中間此子不動處緣人要取此為極不可無箇記認所以就其旁取一小星謂之極星天之樞紐似輪藏心藏在外面動心都不動問極星動不動曰也動只他近那辰雖動不覺如射糖盤子北辰便是中央樁子極星便是近樁點子雖也隨盤轉緣近樁子便轉得不覺沈存中謂始以管窺極星不入管後方見極星在管弦上轉史記載北辰有五星太乙常居中是極星也辰非星只是中間界分極星亦微動辰不動乃天之中猶磨之心也。又曰天圓而動包乎地外地方而靜處乎天中故天形半覆地上半繞地下左旋不息其樞紐則在南極之端焉謂之極者如屋脊謂之屋極也南極入地三十六度故周回七十二度常隱不見北極出地三十六度故周回七十二

度常見不隱北極之星正在常見不隱七十
二度之中常居其所而不動其旁則經星隨
天左旋日月五緯右轉更迭隱
見有似於環繞而歸向之也
為政以德則

無為而天下歸之其象如此

朱子曰德字從

於心也為政以德者不是把德去為政是自
家有這德人自歸仰如衆星共北辰者
天之樞紐乃是天中央安樞處天動而樞不
動不動者正樞星位樞有五星其前一明者
太子其二最明者曰帝座乃太一之常居也
其後一箇分外開得些子而不甚明者極星
也惟此一處不動衆星於北辰亦是自然環
向非有意於共之也○德與政非兩事只是
以德為本則能使民歸○為政以德非是不
用刑罰誦令但以德先之耳○新安陳氏曰
為政以德本也無為而天下歸之效也無為
而天下歸之本也本文未嘗明言此意只是
於北辰其中舍此意北辰為天之極譬人君
以德之君為天下之極居其所譬人君之無

為衆星共之譬
天下歸之也

○程子曰為政以德然後無

為

朱子曰不是塊然全無作為只是不生事

擾民德脩於己而人自感化不待作為而

天下自歸之不見其有為之迹耳問是以德

為政否曰不是欲以德去為政不必泥以字

只是為政有德相似○為政以德人自感化

然感化不在政事上却在德上蓋政者所以

正人之不正也豈無所為但人所以歸往乃

在其德耳故不待作為而天下歸之如衆星

之共北極也○慶源輔氏曰為政以德非不

為也循天下之理而行其所無事也不能以

德為政而遽欲無為范氏曰為政以德則不

動而化不言而信無為而成所守者至簡而

能御煩所處者至靜而能制動所務者至

寡而能服衆慶源輔氏曰范氏推廣程

○子曰詩三百一言以蔽之曰思無邪

詩三百十一篇言三百者舉大數也蔽猶蓋

也

朱子曰蓋如以

思無邪魯頌駟

反古螢

篇之

辭

新安倪氏曰此詩本美魯僖公牧馬之盛

騷

牝三千之意也作詩者未嘗以此論詩之

旨夫子讀詩至此而有合於心焉是以取之

凡詩之言善者可以感發人之善

心惡者可以懲創人之逸志其用歸於使人

得其情性之正而已

朱子曰情性是貼思正

莫是作詩者發於情性之正否曰若關雎鹿

鳴文王大明等詩固是情性之正只是要讀詩者

思無邪耳○太史公說古詩三千篇孔子刪

定為三百看來只是采得許多詩夫子不會
刪去只是刊定而已聖人刊定好底詩便要
人吟詠興發其善心不好底便要人起羞惡
之心皆要人思無邪○問集註以為凡言善
者足以感發人之善心言惡者足以懲創人
之逸志而諸家乃專主作詩者而言何也曰
詩有善有惡頭面最多而惟思無邪一句是
以該之上至於聖人下至於淫奔之事聖人
皆存之者所以欲使讀者知所懲勸○雙峯
饒氏曰諸家皆謂作詩者如此獨集註以為
詩之功用能使學者如此夫子恐人但知詩
之有邪正而不知詩之用皆欲使人歸之於
正故於其中揭此一句以示人學然其言微
婉且或各因一事而發求其直指全體則未
有若此之明且盡者故夫子言詩三百篇而
惟此一言足以盡蓋其義其示人之意亦深

切矣

延平李氏曰詩人興刺雖亦曲折達心之精微然必止乎禮義夫子刪而取之

者以此爾若不止於禮義即邪也故三百篇一言足以蔽之只是思無邪而巳所以能興

起感動人之善心蓋以此也○問直指全體朱子曰詩三百篇皆要人無邪思然但逐事

無邪惟此一言舉全體言之○思無邪只是要正人心約而言之三百篇只是一箇思無

邪折而一言之則一篇中自有一箇思無邪思無邪一句便當得三百篇之義了三百篇

之義大槩只要使人思無邪若只就事上無邪未見得實如何惟是思無邪方得思在人

最深思主心上○聖人言詩之教只要得人思無邪其他篇篇是這意思惟是此一句包

說得盡○思在言與行之先思無邪則所言所行皆無邪矣○問聖人之六經皆可為戒何

獨詩也曰固是如此然詩因情而起則有思欲其思出於正故獨指思無邪以示教焉○

勉齋黃氏曰直指則非微婉全體則非一事直指故明全體故盡此一微婉全體則非一事

直指故明全體故盡此一微婉全體則非一事

該也。○慶源輔氏曰：微謂隱微，婉謂委曲。詩人主於詞，詠詠規諫，其言不直，截說破，常有隱微之意。曲。○程子曰：思無邪者，誠也。朱子曰：行誠思，無邪，乃可謂誠。是表裏皆無邪，徹底無毫髮之不正。世人有脩飾於外，而其中未必能正。惟至於思無邪者，誠也。又曰：哲人知幾，誠之於思，此是聖人。事夫子言詩之用，不應還以聖人望人，集註所以引此者，蓋謂所思自然無邪，誠也。聖人事也。讀詩而可使之思無邪，誠之也。學者事也。集註引程子之言，即繼之以程子此說，是論誠非論詩。○東陽許氏曰：誠是實理在人，則為實心。而君子不可不盡者也。程子指出此誠字，以明思無邪之實學。方能使心之所思一於無邪。范氏曰：學者必務知要，知要則能守約，守約則是以盡博矣。

經禮三百曲禮三千亦可以一言以蔽之曰

毋不敬禮器篇云禮有大有小有顯有微大

也註經禮儀禮也如士冠禮諸侯冠禮之類

此是大節有三百條曲禮記也如冠禮始

加再加之如坐尸之類此是小小目有三千

餘條○曲禮篇首云毋不敬○雲峯胡氏曰

孰中二字是書五十八篇之要時之一字是

同

○子曰道之以政齊之以刑民免而無恥

道音導下

道猶引導謂先之也政謂法制禁令也齊所

以一之也道之而不從者有刑以一之也免

而無恥謂苟免刑罰而無所羞愧蓋雖不敢

為惡而為惡之心未嘗亡也朱子曰道齊之

化其心而但使之少革到得政刑少弛依舊

又不知恥矣問刑政莫只是伯者之事曰專

伯者之為矣

道之以德齊之以禮有恥且格

禮謂制度品節也新安陳氏曰前訓禮字云

禮字之理而言此指五禮之文物而言○胡

氏曰品謂尊卑高下之差節謂界限等級之分

格至也言躬行以率之則民固有所觀感

而興起矣而其淺深厚薄之不一者又有禮

朱子曰道之以德是躬行其實以為民先必
自盡其孝而後可以教民孝自盡其弟而後
可以教民弟如宜其家人而後可以教國人
宜兄宜弟而後可以教國人也○淺深厚薄
之不一謂其間資稟信向之不一齊雖是感之
以德自有太過不及底故齊一之以禮禮者
吉凶軍賓嘉五禮須令他一一齊如此所謂賢
者俯而就之不肖者企而及也○人之氣質有
淺深厚薄之如周官一書何者非禮以至歲時屬
以齊之法屬無不備具者正所以齊民也○
民讀法之屬義理人心所同得故善之當為
勉齋黃氏曰義理人心所同得故善之當為
不善之可以惡皆人心所同然者教之以德禮
則示之以所同得者故惡不善而進於善有
不待勉而從若徒以政刑強之彼但知君上
之令不得不從初不知吾心所有之理尚不
知不善之可惡又安能進於善耶○新安陳
氏曰以躬行之德率民民觀感興起於下化
民之大本已立但民之感發者不免有淺深
厚薄之不同須以禮之制度品節齊一之使

淺薄者無不及深厚者無太過其未盡善者皆截然於禮焉民恥於不善此觀感於德之功又至於善乃齊一說格正也書曰格其非

心○愚謂政者為治去聲下輔治之具刑者

輔治之法德禮則所以出治之本而德又禮

之本也此其相為終始雖不可以偏廢新安陳氏

曰固不可無德禮亦不可然政刑能使民遠

無政刑所謂不可偏廢也然政刑能使民遠

去聲罪而已德禮之效則有以使民日遷善而

不自知新安陳氏曰禮記經解篇云使民日

析之而分故治民者不可徒恃其末又當深

探輕重焉其本也新安陳氏曰末謂政刑本謂德

論語集注卷二

二

其中不可專道政刑做不好底但不得專用
政刑爾聖人之意只為當時專用政刑治民
不用德禮所以有此言聖人為天下何曾廢
政刑來集註後面餘意是說聖人謂不可專
恃政刑然有德禮而無政刑又做不得聖人
說話無一字無意味○先之以法禁令是
合下民不猜疑關防之意故民不從又却齊之
以刑民不見德而畏威但圖目前苟免於刑
而為惡之心未嘗不在先之以明德則有固
有之者必觀感而有化然稟有厚薄感有淺
深又齊之以禮使有規矩準繩之可守則
民恥於不善而又有以至於善○雲峯胡氏
曰此篇首章曰為政以德政者此章
分行政與德為二前章專言古之為政者
躬行中流此章則言後行之為政者但知
之以法禁令而不敢躬行之集註以相為
政不如德禮之效如此而集註以相為
始終合言於先又以本末分言於後也

○子曰吾十有五而志于學

古者十五而入大學心之所之謂之志

新安陳氏

曰心之所之說文中語

此所謂學即大學之道也志乎

此則念念在此而為之不厭矣

朱子曰孔子只十五歲時

便斷然以聖人為志矣今學者誰不為學只是不可謂之志于學果能志于學則自住不

得志字最有力要如饑渴之於飲食纔有悠悠便是志不立

三十而立

有以自立則守之固而無所事志矣

朱子曰

捉得定世間事物皆動搖我不得如富貴賤威武不能淫移屈是也志方是趨向恁去求討未得到此則得而守之無所用志矣志是要求箇道猶是兩件物事到立時便是脚下已踏著了

然猶是守住

四十而不惑

於事物之所當然皆無所疑則知之明而無

所事守矣

朱子曰既立矣加以十年玩索涵養之功而知見明徹無所滯礙也

蓋於事物之理幾微之際毫髮之辨無不判然於胸中更不用守矣

五十而知天命

天命即天道之流行而賦於物者乃事物所

以當然之故也知此則知極其精而不惑又

不足言矣

朱子曰不惑是隨事物上見這道理合是如此知天命便是知這道理

理所以然如父子之親須是知其所以親凡事事物物上須知他本源來處譬如一溪先

知得溪中有水後知得水幾源處○又曰天道流行賦予萬物莫非至善無妄之理而不

已焉是則所謂天命也物之所得為性性之
所具為理名殊而實一也學至不惑而又進
焉則理無不窮性無不盡而有以知此矣理
以事別性性以人殊命則天道之全而性之
以為性理之所以為理者也自天命觀之則
理性云者小德之川流也自理性觀之則天
命云者大德
之敷化也

六十而耳順

聲入心通無所違逆知之至不思而得也

和靖尹氏曰六十而耳順聞理即悟○朱子
曰知天命則猶思而得到得耳順則不思而
得矣聽最是人所不著力處今聖人凡耳中
所聞者便皆是道理而無凝滯到得此時是
於道理爛熟了聞人言語更不用思量纔聞
言便曉也○或問四十不惑是知之明五十
知天命是知極其精六十耳順是知之至
日不惑是事上知知天命是理上知耳順是

事理皆通入耳無不順今學者致知儘有次第節目○慶源輔氏曰所知至極而精熟徹表徹裏故聲纔入心便通是非判然其實通神速之妙更不待少致思而自得其理也○陳氏曰纔容少思而後得則是內外有相扞格違逆不得謂之順矣如夫子聞滄浪之歌即悟自取之義是耳順之證也

七十而從心所欲不踰矩

從如字

從隨也矩法度之器所以為方者也隨其心之所欲而自不過於法度安而行之不勉而

中

去聲也朱子曰聖人表裏精粗無不昭徹其聲也體雖是人其實只是一團天理所謂

從心所欲不踰矩左來右去盡是天理如何不快活○程子曰孔子生

而知者也言亦由學而至所以勉進後人也

立能自立於斯道也不惑則無所疑矣知天命窮理盡性也耳順所聞皆通也從心所欲不踰矩則不勉而中矣又曰孔子自言其進德之序如此者聖人未必然但為去聲學者立法使之盈科而後進成章而後達耳朱子曰格知至而意識心正之效不止是用工夫不惑知天命是意識心正而所知日進不已之驗至耳順則所知又至極而精熟聖人亦大約將平生為學進德處分許多段說十五志學此學自是徹始徹終到四十不惑已自有耳順從心所欲不踰矩意思但久而益熟爾年止七十若更加數十歲也只是胡氏曰聖人箇路不是至七十歲便畫住了人之教亦多術然其要使人不失其本心而

已欲得此心者惟志乎聖人所示之學循其

序而進焉至於一疵不存萬理明盡之後則

其日用之間本心瑩

反紫定

然隨所意欲莫非

至理蓋心即體欲即用體即道用即義

新安陳氏

曰道言渾倫之體義

聲為律而身為度矣

史記

夏記禹為人敏給克勤其德不違其仁可親

其言可信聲為律身為度○朱子曰胡氏不

失其本心只是一段極好儘用子細玩味聖人千

言萬語只是要人收拾得箇本心日用之間

著力屏去私欲扶持此心出來理是心所當

知事是心所當為不要埋沒了他如脩齊治

平皆要此心為之此心皆自有多許多道理不

待逐旋安排入來聖人立許多節目只要人

剔刮將自家心裏許多道理出來而已○新

安陳氏曰聲即天地中和之聲自然可以為

律身即天地正大之體自然可
以為度以此形容不踰矩也 又曰聖人言

此一以示學者當優游涵泳不可躡等而進

二以示學者當日就月將不可半途而廢也

慶源輔氏曰亟者則躡等而進怠者則半途而止亟心亡則能優游涵泳逐級而進怠心

亡則能日就月將不極不止愚謂聖人生知

安行固無積累魯水之漸然其心未嘗自謂

已至此也新安陳氏曰苟自謂吾學已至則便不是聖人是其日用

之間必有獨覺其進而人不及知者故因其

近似以自名新安陳氏曰自為立與不惑等名欲學者以是

為則而自勉非心實自聖而姑為是退託也

後凡言謙辭之屬意皆放

上此問此章如何

曰志學亦是要行而以知為重立是本於知
而以行為重志學言知知之始不惑知命耳順
言知之至立言行之一面始從心不踰矩言之
至○十五志學是一面學一力行至三十
而立則行之效也志學與不惑知天命耳順
一類是說知底意思立與從心所欲一類是
說到地位○聖人也略有箇規模與人同
如志學也是眾人知學時及其立與不惑也
有箇迹相似若必指定謂聖人必恁地固不
得若說聖人全無事乎學只空說也不得但
聖人自有聖人底事○志字最要緊直須結
裹在從心不踰矩上然又須循乎聖人為學
之序方可○問自志學而立至從心所欲各
致知誠意至治國平天下二者次第等級各
不同何也曰論語所云勉齋黃氏曰十年而
所云乃論學之規模○勉齋黃氏曰十年而
後一進者亦聖人之心至此而自信耳學雖
已至而未敢自信必反覆參驗見其必然而

無疑然後有以自信此尤足以見聖人之所
以爲聖人也苟惟謂聖人謙辭以見勉人則皆
架空之虛辭耳故集註雖以勉人爲辭而終
以獨覺其進爲說○雙峯饒氏曰矩字尤爲
此章之要致知是矩定不惑是矩力行是要
矩立是守得此矩之所未惑是矩見得此矩
命是又識得此矩之不踰是行得此矩是見
矩十分透徹從心矩之自來耳順是見得此
熟矩者何此心之天則也是行得此矩皆法
器規圓善於旋轉而無界限之規矩守矩方
有廉隅界限截然一定而不易智欲其圓行
欲其方故以矩言之矩即義以方外是也胡
氏謂體即道用即義義字正爲矩字而叢○
雲峯胡氏曰自堯舜以至夫子聖聖相傳只
傳此心夫子年十五時其心猶未敢自謂是
到七十時其心退託豈聖人之心哉要之志
自聖而姑爲是退託豈聖人之心哉要之志
學者此心所向之力立者此心所守之定不
惑者此心所見之明知天命者心與理融而
洞其所以然耳順者理與心會其順也自然

而然不踰矩者此心進此理渾乎為一而有莫測其然者矣十年一語學者欲學者皆心夫聖人之故即其近似以用其心也忘者不用其心如何到聖處助者亟用其心也亦如便到聖處○新安陳氏曰聖人所志之學大也大學之道知行為要此章分知之始知之至行行之至朱子一條盡之矣聖學自志學而始至從心不踰矩而終始終惟一心學也心之所謂之欲從容念念在道大本立矣心之所謂之欲從容中道大用行焉其常入肆其心之所欲皆私自有欲罷不能者矩賢人之制其心之所欲始欲耳鳥知其所謂矩聖人之制其心之所欲始能勉彊而不出於矩聖人之制其心之所欲始一毫私欲之累隨其心之於矩學者苟能卓然之流行自從容而長志之學循其序而能漸立志以志乎聖人志之學循其序而能漸並進焉學與年俱進豈不能漸造於純熟之境而於希聖其庶幾乎

○孟懿子問孝子曰無違

孟懿子魯大夫仲孫氏名何忌無違謂不背

音於理朱子曰無違通上下而言三家僭禮

當為而不為亦不孝也詳味無違一語一齊

都包在裏○或問無違曰未見得聖人之意

在且說不以禮蓋亦多端有苟且以事親而

違禮有以僭事親而違禮自有箇道理不可

違越○新安陳氏曰無違二字簡要而涵蓄大有深意

樊遲御子告之曰孟孫問孝於我我對曰無違

樊遲孔子弟子名須魯人御為去聲孔子御車也

孟孫即仲孫也胡氏曰三家皆魯桓公庶子

敢祖諸侯也故自以庶長為孟杜預夫子以

作公子譜云仲慶父弑君故改為孟懿子未達而不能問恐其失指而以從親之

令為孝新安陳氏曰恐其以從親故語音御樊

遲以發之新安陳氏曰冀

樊遲曰何謂也子曰生事之以禮死葬之以禮

祭之以禮

生事葬祭事親之始終具矣禮即理之節文

也慶源輔氏曰此理字即指前不背於理之

以成人之事親自始至終一於禮而不苟其

尊親也至矣是時三家僭禮故夫子以是警

之然語意渾上聲然又若不專為去聲三家發者

所以為聖人之言也朱子曰生事葬祭之必

人可用不特為三家僭禮而說陳氏曰始

終一以禮事親則為敬親之至矣然若何而

能一於禮其中節文纖悉委曲是多少事皆

不可不講○莆田黃氏曰若不以禮便是不

以君子之道待其○胡氏曰人之欲孝其親

親便是違背於理

心雖無窮而分去聲則有限得為而不為謂苟

陋與不得為而為之謂僭者均於不孝所謂以

禮者為其所得為者而已矣朱子曰為所得

大夫以大夫之禮事親諸侯以諸侯之禮事

親便是○齊氏曰說與何忌孟僖子之禮事

七年僖子從昭公如楚病不能相禮乃講學

之二十四年僖子將卒屬說與何忌於夫子

使事之而學禮焉時孔子年五十四樊遲為
孔子御必在哀十三年魯以幣召還孔子後
時孔子年七十矣僖子嘗令二子學禮孔子不
孝可謂賢矣僖子嘗令二子學禮孔子不
即其妻沒所命以教其子爾時三家習於僭
非不欲以尊親也而不知適以陷其親於惡
使懿子不違其親之命而悉以孔子所得為
事而之死祭之則凡其所用皆親所得為而
僖子之心慰矣奈之何其不用皆親所得為而
迫切而意深到學者所宜細玩○新安陳氏
曰孔子此言雖若告衆人實深切所以為聖
孫仍可用於衆人舍蓄深切所以為聖人之
言也○東陽許氏曰夫子曰始終一事葬祭
禮集註亦曰人之事親始終一於禮而不苟
此是就禮之中正處說過於此不可不及於
此亦不可夫子雖戒孟孫之僭然當時於所
當為者豈皆盡善則不專為三家哉者謂推
又曰語意渾然又若若不專為三家哉者謂推
廣之無
不包也

○孟武伯問孝子曰父母唯其疾之憂

武伯懿子之子名薳

音滯

言父母愛子之心無

所不至唯恐其有疾病常以為憂也

此正解經一句

人子體此而以父母之心為心則凡所以守

其身者自不容於不謹矣豈不可以為孝乎

新安陳氏曰此五句朱子發孔子言外之意方見子之孝凡所以守其身者包涵甚闊謹

疾固是守身不失身於不義尤守身之大者

舊說人子能使父母

不以其陷於不義為憂而獨以其疾為憂乃

可為孝亦通

新安陳氏曰前說為佳後說以衍餘意則可以解正意則迂晦

矣○或問父母唯其疾之憂何故以告武伯朱子曰這許多所答也是當時那許多各

有那般病痛故隨而救之又曰其他所答固是皆切於學者看此句較切其他只是就道理上說如此却是這句分外於身心上指出若能知愛其身必知所以愛其父母○雙峯饒氏曰非特有疾時憂無疾時亦常憂其愛護之不謹而有以致疾此見父母愛子之切處不獨謹疾而已○兄所以守其身下一兄字蓋不獨謹疾而已愚謂已色後說之意在其中矣○雲峯胡氏曰夫子聖人也於疾且慎况凡為人子者乎

○子游問孝子曰今之孝者是謂能養至於犬馬皆能有養不敬何以別乎

養去聲別彼列反

子游孔子弟子姓言名偃人吳養謂飲食供奉

也犬馬待人而食亦若養然言人畜許六犬

馬皆能有以養之若能養其親而敬不至則

與養犬馬者何異甚言不敬之罪所以深警
之也○胡氏曰世俗事親能養足矣狎恩恃
愛而不知其漸流於不敬則非小失也子游
聖門高弟未必至此聖人直恐其愛踰於敬
故以是深警發之也問犬馬不能自食待人
而食者也故畜犬馬者
必有以養之但不敬爾然則養其親而敬有
所不至不幾於以犬馬視其親乎敬者專敬
而不取忽忘之謂非特恭謹而已也人雖至
愚孰忍以犬馬視其親者然幾微之間專敬
之心一有不至則是所以視其親者實無以
異於犬馬而不自知也聖人之言警乎人子
未有若此之切者延平李氏曰此一段恐當
時之人習矣而不察只以能養為孝雖孔門
學者亦恐未免如此故夫子警切以告之使
之反諸心也苟推測至此孝敬之心一不存

馬即陷於犬馬之養矣。○朱子曰：子將是箇
簡易人，如灑掃應對，便忽略了。如喪致乎哀，
而止，便見他節文有未至處。○或問：父母至
尊，親犬馬至卑，賤聖人之言，豈若是之不倫？
乎？曰：此設戒之言也。故特以尊卑懸絕之，甚
者明之，所以深著夫能養而不能敬者之罪
也。○慶源輔氏曰：能養未必能敬，能敬則不
至於不能養也。記曰：仁人之事親如事天，可
徒愛而不知敬乎？○雙峯饒氏曰：是謂能養
皆能有養，看兩箇能字，便見是說養親之人
與養犬馬之人言養親之人，能養而不能敬
則與養犬馬之人無所分別，非謂父母與犬
馬無別也。集註云：與養犬馬者何異？即是人字。

○子夏問孝，子曰：色難。有事，弟子服其勞，有酒

食，先生饌，曾是以為孝乎？

食音嗣

色難，謂事親之際，惟色為難也。食飯也。先生

父兄也饌飲食之也會猶嘗也蓋孝子之有

深愛者必有和氣有和氣者必有愉色有愉

色者必有婉容新安陳氏曰愉悅也色見於面者婉順也容舉一身之容

儀言之此三句禮記祭義篇之文色非可以偽為也惟深愛之心根於中而後愉婉之色

容見於外其所以難者故事親之際惟色為

難耳服勞奉養去聲○此事未足為孝也舊

說承順父母之色為難亦通新安陳氏曰後說添承順父母

字方可解○問知敬親者其色必恭知愛親者其色必和此皆誠實之發見不可以偽為

故子夏問孝孔子答之以○程子曰告懿子

告衆人者也新安陳氏曰事親告武伯者以

其人多可憂之事

問如何見得朱子曰觀聖人焦地說則知其如此

子游能養而或失於敬子夏能直義而或少

溫潤之色各因其材之高下與其所失而告

之故不同也

朱子曰告懿子無違意思闊若其他所告則就其所患說然

聖人雖是告衆人若就孟孫身上看自是大段切雖專就一人身上說若於衆人身上看

亦未嘗無益○子游見處高明而工夫則疎子夏較謹守法度依本子做觀灑掃應對之

論與博學篤志之說可見惟高明而疎故必用敬惟依本做故必用愛子夏之病乃子游

之藥若以色難告子游以敬告子夏則以水濟水以火濟火故聖人藥各中其病○問如

何見子夏直義處曰北宮黶似子夏是箇持身者拒之孟子亦曰北宮黶似子夏是箇持身

謹規矩嚴底人問嚴威儼恪非所以事親曰太莊太嚴厲了○問子夏能直義而或少溫

潤之色直義莫是說其資之剛方否曰只是
於事親時無甚回互處。問夫子答子游子
夏問孝意雖不同然自今觀之奉養而無狎
恩恃愛之失主敬而無嚴恭儼恪之偏儘是
難曰既知二失則中間須自愛有箇處之理
愛而不敬非真愛也敬而不愛非真敬也敬
非嚴恭儼恪之謂以此為敬則誤矣只把做
件事小心畏謹便是敬。○問孔子答問孝四
章雖不同意則一曰如何曰彼之問孝皆有
意乎事親者孔子各欲其於情性上覺察不
使之偏勝則其孝皆平正而無病矣曰如此
看恰好。○勉齋黃氏曰事親之道非貴於聲
音笑貌也而以色為難者色非可以強為也
非其真有深愛存乎其心惟恐一毫拂其親
之意者安能使愉婉之狀貌見於顏面也哉
其告子夏者所以發其篤於愛親之念也或
曰敬與愛兩事常相反也敬則病於嚴威愛
則病於柔順今其告二子者如此得無舉一
而廢一乎曰敬與愛皆事親之不能無也父
母至親也而愛心生焉父母至尊也而敬心

生焉皆天理之自然而非人之所彊為也然
幾之各有節而行之各有宜或過或不及則
二者常相病也故聖人因其所偏者而警之
所以勉其不足而損其有餘也四章問孝其
一則不辱其親其二則不辱其身三則敬四
則愛學者於此四者而深體之身親之大義
盡於此矣迷論語者聚而次之警人之意深
矣○新安陳氏曰問孝四章乃記者以類序
次之一則欲不違禮以事親二則欲謹守身
以不憂其親三則欲其敬親四則欲其愛親
學者合四章而深體之事物賦形凡一部論語中其
人乏言如化工隨物賦形凡一部論語中其
教人不同及問同答異者
皆如此不但此四章也

○子曰吾與回言終日不違如愚退而省其私
亦足以發回也不愚

回孔子弟子姓顏字子淵魯人不違者意不相

背音佩有聽受而無問難去聲也私謂燕居獨處

上聲非進見請問之時發謂發明所言之理新安

陳氏曰發如發揮發見之愚聞之師曰朱子

姓李氏名侗字愿顏子深潛純粹慶源輔氏

謂不淺露而德性淵宏純粹其於聖人體段已

具其聞夫子之言默識心融觸處洞然自有

條理故終日言但見其不違如愚人而已及

退省悉井反其私則見其日用動靜語默之間

皆足以發明夫子之道坦然由之而無疑然

後知其不愚也致堂胡氏曰夫子久已知顏子之不愚必曰退省其私者

以見非無證之空言且以明進德之功必由
內外相符隱顯一致欲學者之謹其獨也夫
子與言終日則所言多矣今存者幾惜哉○
朱子曰默識心融固是他功深力到亦是天
資高顏子乃生知之次只比之聖人已具九分
九釐所爭只一釐孔子只點他這些便與他
相湊他所以深領其言而不再問也融字如
消融相似如雪在湯中若不融一句只是一
句如何哉得出來如人喫物事若不消只生
在肚裏如何滋益體膚退省其私私者他人
所不知而回自知者夫子能察之如心之所
安燕居獨處之自知者夫子能察之如心之
庸謹獨之獨同○不違如愚不消說了亦足
以哉是聽得夫子說話便能哉明於日用躬
行之間此夫子退而省察顏子之私知此且
如說非禮勿視聽言動顏子便真箇不於非
禮上視聽言動集註謂坦然○退非夫子退乃
他真箇見得真箇便去做○退非夫子退乃
顏子退也哉啓哉也始也如愚人似無所啓
哉今省其私乃有啓哉與啓予之啓不同○啓

顏子所聞入耳著心布乎四體形乎動靜則
足以發明夫子之言矣。○問顏子不違與孔
子耳順相近否。曰：「那地位大段高，不違是顏
子於孔子說話都曉得耳順，是無所不通。」
省其私，私不專在無人獨處之地，謂如人相
對坐，心意默所趨向亦是私。○問亦足以發
是顏子於燕私之際，將聖人之言，發見於行
事，否。曰：「固是，雖未盡見於行事，其理亦當有
發見處。然燕私之際，尤見顏子踐履之實處。」
又曰：「與之言，顏子都無可否，似箇愚底。」及退
而觀其所行，夫子與之言者，一箇做得出來，
不差，豈不是以發明夫子之言者，一箇做得來，
人做一器，用方與他說箇尺寸，高底形製，他
聽之全然似不曉底，及明日做得來，却與昨
日所說底更無分毫，不似。○南軒張氏曰：「亦
足以發其請事斯語之驗，與默識心融，此於
聖人耳順地位，雖未幾及而已，同是一般趣
味矣。」○覺軒蔡氏曰：「發者固是發明此理，疑
亦有發見活潑潑之意，夫子再以此不愚而信
之，所以深喜之也。」○慶源輔氏曰：「默識是不

待言說而自喻其意心融是不待思惟而自
與之為一觸處洞然自有條理者謂如行自
已家庭中蹊徑曲折器用安頓條理次序曉
然在吾心目之間也○雲峯胡氏曰顏子之
資鄰於生知故無難疑答問而自以知夫
子所言之理顏子之學勇於力行故雖燕居
獨處而亦足以行夫子所言之理不日行而
日發此一發字最有力量夫子嘗曰語之而不
情者其回也歟情則不發發便不情孟子曰
有如時雨化之者先儒以顏子當之物經時
雨便發顏子一聞夫子之言便足以發故周
子曰發聖人之蘊教萬世無窮者顏子也且
不徙發之於人所共見之時而能發之於已
所獨知之地顏子蓋真能發夫子約禮之教
而為慎獨
之學者也

○子曰視其所以

以為也為善者為君子為惡者為小人

朱子曰大

綱且看這一箇人是為善底人是為惡底人

觀其所由

觀比視為詳矣由從也事雖為善而意之所

從來者有未善焉則亦不得為君子矣朱子曰為

善底人又須觀其意之所從來若本意以為已事所當然無所為而為之乃是為已若以

為可以求知於人而為之是意所從來已不善了如齊桓伐楚固義也然其意所從來乃

因怒蔡姬而伐蔡蔡潰遂伐楚或曰由行也則所為雖是而所由未是也

謂所以行其所為者也

察其所安

察則又加詳矣厚齋馮氏曰穀梁傳曰常事曰視非常曰觀觀詳於視也

易曰仰以觀於天文俯以察於地理察密於觀也

安所樂

音洛下同

也所

由雖善而心之所樂者不在於是則亦偽耳

豈能久而不變哉

程子曰視其所以觀人之大槩察其所安心之所安

也○朱子曰意所從來處既善又須察其中

心樂與不樂安是中心樂於為善自無厭倦

之意若中心所樂不在是便或作或輟未免

於偽○問以是察人是節節看到心術隱微

處最是難事亦必在己者能知言窮理使心

通乎道而能精別是非然後能察人如聖人

也曰於樂處便是誠實為善如好好色如惡

惡臭不是勉彊做來若以此觀人亦須以此

自觀看自家為善果是為己果是樂否○所

以是所為所由是如此做所安是所樂譬如

讀書是所為豈不是好事然其去如此做又

煞多般有為已而讀者有為名而讀者有為

利而讀者須觀其所由從如何其為已而讀

者固善矣然或有出於勉彊者故又觀其所

樂○問聖人於人之善惡如見肺肝當不待
如此著力曰這也為常人說聖人固不用得
如此然聖人觀人也著恁地詳細如今人說
一種長厚說話便道聖人不恁地只略看
便了這箇若不見教徹底善惡分明如何取
舍○問觀人之道也有自善而入於惡亦有
事雖惡而心所存本好曰這箇也自可見須
是如不好看方見好底鐵定是好人不好底鐵
定是不好人又曰初間纔看善惡便曉然到底
觀其所由有不善這又勝得當下便不是底
到察其所安有不善這又勝前二項人不是
到這裏便做不好人看他只是不是他心肯
意肯必不會有終○所安是他平日存主習
熟處他本心愛如此雖所由偶然不如此終
是勉彊畢竟所樂不在此次第依舊又從熟
處去如平日愛倨傲勉彊教他恭敬一時之
間亦能恭敬次第依舊自倨傲了心方安○
勉齋黃氏曰視其所以兼君子小人視之觀
其所由則先之為小人者不復觀之矣所觀
者君子也察其所安則君子所由之未善者

亦不復察之矣察其所由之善而欲知其安
不安也蓋所以既為小人何必復觀其所由
所由既未善何必復察其所安○勿軒熊氏
曰所由言意之所來所安言心之所安意是
哉端處心
是全體處

人焉廋哉人焉廋哉

焉何也廋匿也重

平聲

言以深明之○程子曰

在已者能知言窮理則能以此察人如聖人

也

洪氏曰此夫子觀人之法聽其言觀眸子

有過人之聰明者不能夫子之法孟子之法非

亦可以自考○新安陳氏曰在我者不明則

亦何以察人集註引程子之言以補本文之

意知言如孟子我知言能知人言之是非窮

盡事物之理則心如明鏡方能

如聖人觀人之法以察人也

○子曰溫故而知新可以為師矣

溫尋繹也故者舊所聞新者今所得言學能

時習舊聞而每有新得則所學在我而其應

不窮故可以為人師若夫扶音記問之學則無

得於心新安陳氏曰與而所知有限新安陳氏曰與

其應不窮相反故學記譏其不足以為人師正與此

意互相發也朱子曰記問之學溫故而不知

搜尋得道理記得十件只是十件記得百件

只是百件這箇便死殺了知新則就溫故中

見得這道理愈精勝似舊時引而伸之觸類

而長之則常活不死殺中庸溫故而知新乃

故而不知新味其語意乃為溫故而不知新者
設不溫故固是間斷了若果無所得雖溫得
亦不足以為人師所以溫得又要知新惟溫
故而不知新故不足以為人師也這語意在
知新上溫故知新不是易底新者只是故中
底道理時習得熟漸漸發得出來且如一理
看幾箇人來問就此一理上一人與說一箇
理都是自家就此理上推究出來所以其應
無窮且如記問之事便說十事不出一事更推第二事
不去記得不離溫故之中而達之新意○道理
人師之問不離溫故之中而達之新意○道理
上達之理乎曰亦是漸漸上達之意○道理
即是一箇道理論孟所載是這會得了一箇道理六
經所載也是這箇道理但理會得了時時溫
習覺滋味深長自有新得○又曰昔之所得
雖曰既為吾有然不時加尋繹則亦未免有
廢棄遺忘之患而無所據以知新矣然徒能
溫故而不能索義理之所以然者則見聞雖
富誦說雖勤而口耳文字之以外略無意見如
無源之水其出有窮亦將何以授業解惑而

待學者無已之求哉。○尋繹其所已得而每
每有得於其所未得者。譬之觀人昨日識其
面。今日識其心。於以為師。其庶矣乎。可云者
明。未至此者。不足以為師。非以為能如是而
為。師有餘也。○范氏曰。溫故者。月
無忘其所能知。新者。日知其所無。

○子曰君子不器

器者各適其用而不能相通。成德之士體無
不具。故用無不周。非特為一才一藝而已。程

曰。君子不器。無所不施也。若一才一藝。則器也。○朱子曰。君子才德出眾。德體也。才用也。亦具聖人之體。用但其體不如聖人之大用。不如聖人之妙耳。○君子不器。是不拘於一。所謂體無不具。人心元有這許多道理。充足。若慣熟時。自然看要如何。無不周備。如夷清。惠和。亦只做得一件事。○問。君子不器。君子之是何等人。曰。此通上下而言。是成德全才之

君子問子貢汝器也喚做不是君子得否曰
子貢也是箇偏底可貴而不可賤宜於宗廟
朝廷而不可以退處此子貢偏處○南軒張氏
曰人之可以器言者拘於才之有限者也若
君子則進於德進於德則氣質變化而才有
不器者矣○勉齋黃氏曰各適其用不能相
通以物言舟之不可以為膝薛大類也是也
為人言老不可以為滕薛大夫是也用人言
為趙魏老不可以為滕薛大夫是也用人言
周見君子之不可以為滕薛大夫是也用人
不器也○雲峯胡氏曰士君子之心虛有以
具眾理是其體本無不具也其心之靈足以
應萬事是其用可以無不周也格致誠正脩
齊治平有以充此心之體而擴此心之用所
以不器故凡局於器者氣質之分量小士君
子之不器者學問之功大也

○子貢問君子子曰先行其言而後從之

周氏曰

周氏名孚先字伯忱毗陵人

先行其言者行之於

未言之前而後從之者言之於既行之後問

行其言而後從之苟能行矣何事於言朱子曰若道只要自家行得說都不得亦不是道理聖人只說敏於事而謹於言敏於行而訥於言言顧行行顧言何嘗教人不言○問先不要只做人識得箇道理了可以說出來却後從之者及行將去見得自家所得底道理步步著實然後說出却不自是杜撰臆度須還自家自本至末皆說得有著實處曰此說好○南軒張氏曰君子主於行而非以言為先也故其言之所發乃其力行所至而言隨之也夫主於行而後言者為君子則夫易於言兩行不踐者是而後言者為君子則夫易於言行之於未言之前則其行專而力言之於既行之後則其言實而信正君子進德修業之道也○雙峯饒氏曰君子行在言前言隨行後自然言

○范氏曰子貢之患非言之艱

而行之艱故告之以此

朱子曰只為子貢多言故云然

○子曰君子周而不比小人比而不周

周普徧也比偏黨也皆與人親厚之意但周

公而比私爾

朱子曰比之與周皆親厚之意周則無所不愛為諸侯則愛一

國為天子則愛天下隨其親疎厚薄無不是此愛若比則只是揀擇或以利或以勢一等合親底他却自有愛憎所以有周處又曰大槩君子心公而大所以周普小人心狹而常私便親厚也只親厚得一箇○周比去不遠須分別得大相遠處周則徧及天下比則昵於親愛無一人使之不得其所便是周但見同於親愛無與之人使不同於己者惡之便是比君子好善惡惡皆出於公用一善人於國於天下則一國天下享其治去一惡人於一鄉一邑則一鄉一邑受其安豈不是周若小

人於惡人則一喜其合已必親愛之善人與已

異必傷害之此小人比而不周也。○君子立
心自是周徧好惡愛憎一本於公小人惟徧
比阿黨而已。○南軒張氏曰君子小人之分
公私之間而已。周則不比比則不周天理人
欲不並立也君子於親疎遠近賢愚處之無
不得其分蓋其心無不溥焉所謂周也若小
人則有所偏係而失其正其○君子小人所
所親暱皆私情也所謂比也。○君子小人所
為不同如陰陽晝夜每每相反然究其所以
分則在公私之際毫釐之差耳故聖人於周
比和同驕泰之屬常對舉而互言之欲學者
察乎兩間而審其取舍上之幾聲也。○問取舍
在思慮方萌之初審察之否朱子曰致察於
思慮固是但事上亦須照管覺得思慮處失
了便著於事上看便舍彼取此。○雲峯胡氏
曰君子小人公私相反而聖人歷舉周比等

之相似者言之蓋相反者其情易知相似者其幾未易察故拳拳欲學者致審焉。新安陳氏曰通書曰幾善惡幾者善惡所由分之微處也上文公私之際即所謂兩間毫釐之差即所謂幾學者當審察於幾微處而取其公舍其私周比和同驕泰三章皆當如此看以此章居首故於此包括言之

○子曰學而不思則罔思而不學則殆

不求諸心故昏而無得不習其事故危而不

安朱子曰學是學其事如讀書是學須思精思其中義理方得如做事是學須思此事

道理如何只恁低頭做不思這道理則所學者粗迹耳故昧而無得若只空思索不傍事

上體察則無可據之地而終不安穩須是學與思互相發明○凡學字便無行字意思如

講明義理學也纔效其所為便有行意○思與學字相對說學這事便思這事人說這事

合德地做自家不會思量這道理是合如何
則罔然而已罔似今人說罔兩既思得這事
若不去做這事便不熟則臬兀不安如人學
射雖習得弓箭裏許多模樣若不會思量這
箇是合如何也會去射也如何得許多模樣
如何却不曾去射也如何得許多模樣是合
得如食之必飽耳○問學謂視聖賢所言所
行而效之也思謂研窮其理之所以然也徒
學而不窮其理則罔謂昏而無得則其殆
學者亦粗述耳徒思而無踐履之實則殆
謂危而不安則其所思者亦虛見爾學而思
則知益精思而學則守益固學所以致廣大
思所以盡精微○慶源輔氏曰學以聚
之正為聞見之益而不言○慶源輔氏曰學
義廣矣雖不專謂習其事然此之謂學則指
習事而言耳徒學而不求諸心則內外不協
外雖勉強而中無意味故昏而無得徒思而
不習其事則理之安故危而罔兩不安○新
扞格而無可即之安故危而罔兩不安○新
氏曰學而思則理益明而罔兩不安○新

學則理益實而不荒於高虛

○程子曰博學審問慎思明

辨篤行五者廢其一非學也

新安陳氏曰五

目程子之說本以論中庸耳朱子采之於此以廣此章之意○雲峯胡氏曰朱子釋中庸

學問思辨屬擇善知之事也篤行屬固執行之事也此則以學為習其事是行之事以思

為求諸心是知之事至若學而時習之又引程子之言曰時復思繹則思又是學習之事

若有所不同者要之專言學則學無知與行思繹亦是學分學與思則思字屬知學字屬行

中庸五者朱子謂學與行是學之終始問與辨是思之終始是也

○子曰攻乎異端斯害也已

范氏曰攻專治也故治木石金玉之工曰攻

新安倪氏曰周禮考工記有攻木之工攻金之工

異端非聖人之道

而別為一端如楊墨是也其率天下至於無

父無君專治而欲精之為害甚矣或問有以

之攻言異端不必深排者如何朱子曰正道

異端如水火之相勝彼盛則此衰此強則彼

弱熟視異端之害而不一言以正之亦何以

祛習俗之蔽哉觀孟子所以答公都子好辯

之問則可見矣○異端不是天生出來天下

只是這一箇道理緣人心不正則流於邪說

習於彼必害於此既入於邪必害於正○問

集註云攻專治之也若為學便當專治之異

端則不可專治也曰不惟說不可專治便略

去理會他也不得若是自家學有定止去看

他病痛却得○楊氏為我拔一毛而利天下

不為墨氏兼愛至不知有父如此等事世人

見他無道理自不去學○慶源輔氏曰常言

一事一件皆為一端異端非聖人之道而別

自為一件道理也楊氏以為我為義而非聖

人所謂義墨氏以兼愛為仁而非聖人所謂

仁所以為異端○西山真氏曰異端之名始見於此孔子所指未知為誰老聃楊朱墨翟皆與孔子同時特以殊泗之教方明其說未得肆耳或謂孔子不聞異端非也如悖德悖禮之訓已是闢墨潔身亂倫之訓已是闢楊矣○胡氏曰楊朱即莊周所謂楊子居者與老聃同時墨翟又在楊朱之前宗師大為而晏嬰學之者也○新安陳氏曰孔子之時楊朱未肆故集註下一如字然則異端何所指乎孔子謂鄉原德之賊孟子謂其自以為是而不可與入堯舜之道則鄉原亦異端也老聃正同時而孔子於禮曰吾聞諸老聃則老聃在當時未可以異端目之今之老子書先儒謂後人託為之蒙莊出而祖之老子自此以後始為虛無之祖而為異端不可辭矣楊子雲曰非堯舜文王者為他道故凡非聖人之道者皆○程子曰佛氏之言比之楊墨尤為近理所以其害為尤甚學者當如淫聲美色

以遠去聲之不爾則駸駸音侵然入於其中矣汪氏

炎昶曰程朱之時儒學亦有流於禪者故集

註有取於程說之痛切今學者絕口於此程

朱之老便是楊氏孟子子闢楊便是闢老如隱

子曰老便是楊氏孟子子闢楊便是闢老如隱

道與之往不來者皆老之流他本不是學老所

見與之相似○楊墨只是硬恁地做為我無

愛做得來也談不能惑人佛氏最有精微動

入處初見他說出自有理從他說愈深愈害

入問佛氏所以差曰劈初頭便錯了吾儒見

之謂性他把這箇便都做空虛說了佛者夷狄

得都是實○勿軒熊氏曰韓愈云佛者夷狄

之一法自後漢時流入中國其初不過論緣

業以誘愚民而已後來却說心說性雖聰明

○新安陳氏曰程子之不可不力察而明辨也

氏之言所陷溺惟其近理所以害甚集註來

此條而中庸序亦曰老佛之徒出則彌

近理而大亂真矣皆所以闢異端也

○子曰由誨女知之乎知之為知之不知為不

知是知也

女音汝

由孔子弟子姓仲字子路

魯之

子路好

去聲

勇

蓋有強

上聲

其所不知以為知者故夫子告之

曰我教女以知之道乎但所知者則以為

知所不知者則以為不知如此則雖或不能

盡知而無自欺之蔽亦不害其為知矣況由

此而求之又有可知之理乎

朱子曰子路粗

曉會得如正名一節便以為迂和那箇知處

欺之蔽其知固自明矣若不知為不知則無自使人安於所不知也故程子說出此意經意

方完既不失於自欺又不失於自畫。○聖人
只為入將那不知者亦說是不失於自畫。○
不知終無界限了。若人不能於其知者以
於不知者以為不知而不知者以為知。此
知了只為子路性勇把不知者亦說。是知
為他說如此。○問學者之於義理於事物以
不知為知。知用是欺人。亦不可矣。本心之
欺乎。但知者以為已知。不知者以為不知。則
雖於義理事物之間。有不知者。而自則甚
明。而無蔽矣。故曰。是知也。以此真實之心
問思辨研究。究不舍則知至。物格意誠。心
事可馴致也。夫子以是誨子路。真切要
章言之。易而於學者。日用間。關涉處甚多。
要當步步以是省察。則切身之用。蓋無窮也。
曰。此說甚善。○南軒張氏曰。強其不知也。
知之道也。○新安陳氏曰。強其不知也。言是乃
非惟人不我告。已亦不復求知。終身不知而
後已。好勇者多喜。自高不服。下人故有此弊。
此必子路初見孔子時。孔子以此箴之。後來
有聞未之能行。惟恐有聞及人告。以有過則

○子張學干祿

喜則必改此失矣然終有見義欠透徹處是以知食焉不避其難之為義而不知食輒之食為非義也不知者以為不知則人必我告已亦必自求知豈非知之之道乎

子張孔子弟子姓顓孫名師陳人干求也祿仕

者之奉符用反也雲峯胡氏曰本文無問字意編次者因夫子救子張之失

故先之以此五字以見夫子為子張干祿幾

子曰多聞闕疑慎言其餘則寡尤多見闕殆慎行其餘則寡悔言寡尤行寡悔祿在其中矣行寡

之行去聲

呂氏曰呂氏名大臨字與叔藍田人疑者所未信殆者所

未安程子曰尤罪自外至者也悔理自內出

者也

新安陳氏曰人以其為尤故曰罪自外至我自知其非理而悔之故曰理自內

出愚謂多聞見者學之博闕疑殆者擇之精

謹言行

去聲者守之約新安陳氏曰夫子分聞

子合而解之學不博則無可擇多聞多見學

既博矣必於多中精以擇之闕其所未信未

安者則非泛馬廐難之博擇之既精然後加

謹慎以言行其餘之信已安者而所守方

得其約約字與博字對約字又自精字來不

精則其約也非切要之約而苟簡之約爾學

之博擇之精守之約九字斷盡此一章三者

不可博擇有如此則言必當而人不我尤行必

可悔矣

無凡言在其中者皆不求而自至之

辭新安陳氏曰錄在其中餒在其中仁在言



此以救子張之失而進之也

朱子曰此章是

為意蓋言行所當謹非為欲干祿而然也善
真能著實用功則惟患言行之有悔尤何暇
有干祿之心耶○聞是聞人之言見是見人
之行聞亦屬自家言處見亦屬自家行處聞
之亦互相發亦有聞而行之者有見而言者不
可泥看聞見當闕其疑殆然又勿易言易行
之○學本是要立身不是要干祿是令他能
謹人自見知便有得祿之道大槩是言行能
理會身已上事不要先萌利祿之心又曰若
人見得道理分明便不為利祿動○名聲固人
之所欲但要去干祿不得然德行之既脩名聲
顯則人自來求祿不待德行之自得其多聞
多見人多輕說過了將以為偶然多聞孤
耳殊不知此正是合用功處不然則聞見
寡不足以為學矣○出言或至傷人故多尤
行有不至已必先覺故多悔然此亦以其多
少言之耳言而多尤聖人只教他謹言行因帶
必至於傷人矣○聖人豈不教他謹言行因帶

著錄說聖人不教他干但云得錄之道在其
中正是要抹殺了他干字○又曰人處已接
物莫大於言行猶曰必謹焉其反身亦切至矣猶
寡聞見而積之多聞見所以為言之精擇之精
而於言行猶曰必謹焉其反身亦切至矣猶
曰僅足以寡尤悔而已未敢必其絕無也君
子亦脩其在中已而為此而反得彼之辭豈真
故曰錄在其本為此而反得彼之辭豈真
教之以是干錄哉○問學干錄章曰此是
截事若人少聞寡見則不能參考得是處故
聞見須要多若聞寡見則不能參考得是處故
胡亂把不是底也將來做是了既闕疑殆則
而又未能謹其餘則必有尤悔又問尤悔如
何分曰是大凡言不謹則必見尤於人入既
有尤自家安得無悔行不謹則必見尤於人入既
既有悔則人安得無悔行不謹則必見尤於人入既
慶對說又問錄若在無悔尤此便可以有得錄道否
曰雖不求錄若在無悔尤此便可以有得錄道否
若耕也餒在其荒之虞則求飽豈是求餒
然耕却有水旱凶荒之虞則求飽豈是求餒



為道豈是求祿然學既寡尤悔則自可以得
祿如言直在其中矣凡言在其中矣者道理
皆如此○蔡氏曰擇精守約固重學博亦不
可輕聖人所以好古敏求多聞擇從多見而
識皆欲求其多也不然聞見孤寡將何據以
為擇精守約之地耶○新安陳氏曰子張有
務外求聞之失故夫○程子曰脩天爵則人
子教以反求諸內也

爵至君子言行能謹得祿之道也子張學干

祿故告之以此使定其心而不為利祿動若

顏閔則無此問矣

新安陳氏曰顏子終身簞瓢閔子堅辭費宰豈有此

問或疑如此亦有不得祿者孔子蓋曰耕也

餒在其中惟理可為者為之而已矣

雲峯胡氏曰學

干祿即脩天爵以要人爵者富貴在天無可求之理言行在我有反求之道學者惟當求

其在我者則祿將不求而自至故
在其中三字正為干字而費也

○哀公問曰何為則民服孔子對曰舉直錯諸枉則民服舉枉錯諸直則民不服

哀公魯君名蔣子兩反凡君問皆稱孔子對曰

者尊君也錯倉故反捨置也諸衆也程子曰舉

錯得義則人心服○謝氏曰好去聲直而惡去聲

在天下之至情也順之則服逆之則去必然

之理也新安陳氏曰大學云好人之性謝氏之論

蓋本於此至情即性之發也然或無道以照之則以直為

枉以枉為直者多矣是以君子大居敬而貴

窮理也

新安陳氏曰居敬窮理者明吾心以

本文無此意乃謝氏推本之論也大居敬又

公羊傳君子大居正之文以居敬為大而又

窮理為貴也○致堂胡氏曰當時三家專魯

而安得擅舉錯之柄於夫子必有所處矣民

心既服公室自張何至乞師於越而卒以旅

死哉○朱子曰當時哀公舉錯之權不在已

問了只焦休了他若會問時夫子尚須有說

○是便是直非便是枉○問時哀公問何為則

民服○是便是直非便是枉○問時哀公問何為則

以進賢退不肖乃是不治國之大本而人心自

服者蓋好賢而惡不肖乃謝氏又謂若無道以

得義則人心豈有不服謝氏又謂若無道以

照之則以直為枉以枉為直矣君子大居敬

而貴窮理此又極本原而言若人君無知人

之明則窮理直交錯而舉錯未必得宜矣曰此

說得明則枉直交錯而舉錯未必得宜矣曰此

分明

○季康子問使民敬忠以勸如之何子曰臨之以莊則敬孝慈則忠舉善而教不能則勸

季康子魯大夫季孫氏名肥莊謂容貌端嚴

也臨民以莊則民敬於已孝於親慈於衆則

民忠於已善者舉之而不能者教之則民有

所勸而樂

音洛

於為善

朱子曰莊只是兩件事孝是一箇字

躬率之慈是以恩結之孝是做箇樣子慈則推以及人二者須一齊有民方忠於已若只孝而不慈或徒慈於衆而無孝於親樣子亦不得善者舉之不善者便棄之民不能便勸惟舉其善者而教其不能者所以皆勸○問康子之意必要使人能如此聖人但告之以已所當為而民自應者方其端莊孝慈舉善教不能不是要民如此而後為做得自己工

夫則民有不期然而然者曰也是如此○吳氏曰康子竊君之柄而專其國廢父之命而殺其嫡可謂不忠孝於君親矣欲殺無道以就有道可謂不慈於衆矣在己事上接下皆非其道而欲人盡道於己難矣哉○張敬夫曰此皆在我所當為非為聲去欲使民敬忠以勸而為之也然能如是則其應蓋有不期然而然者矣慶源輔氏曰凡聖賢之言與事其有本效感應處皆當以此意推之則庶幾無謀利計功之私矣○新安陳氏曰不期而然乃自然之感應何暇於使之然哉莊孝慈舉善而教蓋不使之使也

○或謂孔子曰子奚不為政

定公初年孔子不仕故或人疑其不為政也

新安陳氏曰吳氏云夫子在魯不仕其故有三待賈而沽一也李氏逐君二也陽貨作亂三也史記云季氏強僭離於正道陽貨專政作亂故孔子不仕集註因以為定公初年事然夫子不仕季氏蓋以平子逐君若謂強僭離於正道則季氏數世皆然而夫子何又仕桓子乎定五年季平子卒桓子嗣立家臣陽貨作亂則定五年以前夫子不仕者以平子而定五年以後

子曰書云孝乎惟孝友于兄弟施於有政是亦為政奚其為為政

書周書君陳篇書云孝乎者言書之言孝如

此也

新安倪氏曰書言孝友而起語獨善兄言孝者友乃孝之推孝可包友也

善兄

弟曰友書言君陳能孝於親友於兄弟又能

推廣此心以為一家之政

朱子曰惟孝友于兄弟謂孝然後友

友然後政其序如此能推廣此心以為一家之政便是齊家緣下面有一箇是亦為政故

不是國政又曰在我者孝則人皆知孝在我者弟則人皆知弟其政豈不行於一家又曰

政一家之事也故不止是使之孝友耳然孝友為之本也○此全在推字上今人只是不

善推其所以為耳范氏言明皇友兄弟而一日殺三子正以不能推此心也○新安陳氏曰

孝友兄弟行於家者施於有政行於國者居

家理故治可移於官書之本意不過如此朱

子特發出推廣孔子引之言如此則是亦為

以為家政之意政矣何必居位乃為為政乎蓋孔子之不仕

有難以語

御音

或人者故託此以告之要

平聲之

至理亦不外是

南軒張氏曰孝於親則必友於兄弟孝友篤於家則施於

有政亦是心而已矣雖不為政而家庭間躬
行孝友為政之道固在是矣或人勉夫子以
為政之事夫子告
以為政之道也

○子曰人而無信不知其可也大車無輓小車

無軌其何以行之哉

輓音五兮反
軌音月

大車謂平地任載之車輓輶端橫木縛輶音厄

以駕牛者小車謂田車兵車乘去聲車輓輶端

上曲鈞衡以駕馬者車無此二者則不可以

行人而無信亦猶是也或問人而無信不知其可也朱子曰人而

無真實誠心則所言皆妄今日所言要往東
明日走在西去這便是言不可行○問先生

但謂車無此二者則不可以行人而無信亦
猶是也而不及無信之所以不可行何也曰

信是言行相顧之謂人若無信語言無實何
處行得處家則不可行於家處鄉黨則不可
行於鄉黨曰此與言不忠信雖州里行乎哉
之意同曰然○雙峯饒氏曰行之之行指車
言人無信之不
可行亦猶是也

○子張問十世可知也

陸氏曰也一作乎

陸氏名元朗字德明唐蘇州人

○王者易

姓受命為一世

新安陳氏曰此與三十

子張

問自此以後十世之事可前知乎

子曰殷因於夏禮所損益可知也周因於殷禮

所損益可知也其或繼周者雖百世可知也

馬氏曰

馬氏名融東漢扶風人

所因謂三綱五常所損

益謂文質三統愚按三綱謂君為臣綱父為

子綱夫為妻綱五常謂仁義禮智信文質謂

夏尚忠商尚質周尚文朱子曰質朴則未有文忠則渾然誠確無

質可言矣。忠只是朴實頭白直做將去質則漸有形質制度而未有文采文則就制度

上事加文采然亦天下之勢自有此三者非聖人欲尚忠尚質尚文也夏不得不忠商

不得不質周不得不文彼時亦無三統謂夏此名字後人見得如此故命此名

正建寅為人統商正建丑為地統周正建子

為天統前漢律歷志天統之正始於子半日

黃至丑半日芽化而白人統受之於丑初日肇化而

孽成而黑至寅半日生成而青。朱子曰康節分十二會言天開於子地闢於丑人生於

寅蓋天運至子始有天至丑始有地至寅始

有人是天地人始於此故三代即其始虞建
以為正○新安陳氏曰正謂正月也不曰一
月而曰正月取王者居正之義迭建以為正
月故曰夏正商正周正康節分十二會詳見
皇極經世書
三綱五常禮之大體三代相繼皆因

之而不能變其所損益不過文章制度小過

不及之間新安陳氏曰損其過而益其不及而其已然之迹

今皆可見則自今以往或有繼周而王去聲者

雖百世之遠所因所革亦不過此豈但十世

而已乎聖人所以知來者蓋如此非若後世

識楚禁反緯術數之學也朱子曰所謂大體

那大體是變不得底○所因之禮是天做底
萬世不可易所損益之文章制度是人做底

故隨時更變。○問夫子繼周而作則忠質損益之宜如何？曰：孔子有作則併將前代忠質損益而為之損益，却不似商只損益得夏周只損益得二代又問：孔子監前代而損益之及其終也，能無弊否？曰：惡能無弊？○問其闕者宜此處所得恰一好，其他則損益過差，了曰：聖人便措置置一，中理如周末文極盛，故秦興必降殺了，周雋秦興一，向簡易無情，直情徑行地，纖悉周緻，秦興一，向簡易無情，直情徑行皆事勢之必變，但秦變得過了，秦既雋地，暴虐漢興，定是寬大。○繼周者，秦果如夫子之言，不魯秦將先王之法，一切掃除，然三綱五常之弊，這自是有如尊君卑臣，損周室君弱臣強之弊，這自是有有君臣之禮，如立法父子兄弟，同室內息者，有禁，這自是禮有父子兄弟之禮，天地之常經，自商繼夏至秦繼周以後，皆變這箇不得，秦之所謂損益，只是損益得太甚耳。○此章因字最重，所謂損益亦只是要扶持箇三綱五常而已，如秦繼周雖損益有

所未當然三綱五常終變不得古人未嘗不
尊君卑臣秦人因之但尊者益之而過尊卑
者損之而過卑耳古人之亦未嘗不德刑並用
秦人因之但德則損之而刑則益之而
又益耳○新安陳氏曰識緯如亡秦者胡之
識及赤伏符等及諸經之緯書術數如望氣
厭勝風角等皆是○胡氏曰子張之問蓋欲知來而

聖人言其既往者以明之也夫

音扶

自脩身以

至於為天下不可一日而無禮天叙天秩人

所共由禮之本也

新安倪氏曰書曰天叙有典天秩有禮三綱五常即

天叙之典天秩之禮也

商不能改乎夏周不能改乎商

所謂天地之常經也若乃制度文為或太過
則當損或不足則當益益之損之與時宜之

而所因者不壞是古今之通義也

新安陳氏曰天地之

常經以所因言經也古今

因往推來雖百世

之遠不過如此而已矣

新安陳氏曰綱常巨

時世而變易觀三代之已往者如此則百世之方來亦不過如此而已

○子曰非其鬼而祭之諂也

非其鬼謂非其所當祭之鬼諂求媚也

朱子曰如

天子祭天地諸侯祭山川大夫祭五祀庶人祭其先上得以兼乎下下不得以兼乎上也祭人而祭五祀大夫而祭山川諸侯而祭天地此所謂非其鬼也○問非其鬼而祭之如其諸侯僭天子大夫僭諸侯之類又如士庶祭其旁親遠族亦是其鬼否曰是又如今人祭甚麼廟神都是非其鬼曰亦是問旁親遠族不當之屬都是非其鬼曰亦是問旁親遠族不當

見義不為無勇也

知而不為是無勇也


朱子曰此處要兩下並看就見義不為上看固

祭若無後者則如之何曰這若無人祭只得為他祭自古無後者祭於宗子之家○問土地山川之神人家在所在不當祭否曰山川之神季氏祭之尚以為僭况士庶乎如土地之神人家却可祭之禮云庶人立一祀或立戶或立竈戶竈亦可祭也又問中雷之義如何曰古人穴居當土室中開一竅取明故謂之中雷而今人以中堂名曰中雷者所以存古之義也又曰中雷亦土名曰中雷者所以存古之神也○厚齋馮氏曰其指祭者而言謂非已所當祭者蓋精誠神氣之屬也但欲諂之以希福耳


見得知之而不能為若從源頭看下來乃是知之未至所以為之不力○勉齋黃氏曰非鬼而祭見義不為一事非其類而對言之亦告焚遲問知之意也一則不當為而為一則當

為而不為聖人推原其病之所自來則曰非
鬼而祭有求媚要福之心也見義不為無勇
敢直前之志也○新安陳氏曰知義而不為
是無浩然之氣以配道義故也此章欲人不為
惑於鬼神之不可知而惟用力於人道之所
宜為他日夫子語樊遲曰務民之義敬鬼神
而遠之亦以鬼神對義而言與此章意合蓋
嘗驗之天下之人其諂瀆鬼神者必不能專
力於民義其專力於民義者必不諂瀆於鬼
神二者常相因云○臨川吳氏曰非其鬼謂
所不當祭者也祭者宜也謂事理當然所當
為者也非所當祭而祭之是祭所不當祭者
見其當為而不為是其所當為者不當
祭而祭求媚而已當為而不為其懦可知一
過一不及也夫子告樊遲曰務民之義敬鬼
神而遠之夫苟於鬼神知所遠而於義知所
務焉庶乎其不至於祭所
不當祭而不為所當為矣

論語集註大全卷之二



論語集註大全卷之二



新編